



本草綱目草部目錄第十三卷

草之二

山草類下三十九種

黃連

本經

胡黃連

開寶

黃芩

本經

秦艽

本經

柴胡

本經

前胡

本經

防風

本經

獨活羌活

本經

土當歸

綱目

都管草

圖經

升麻

本經

苦參

本經

白鮮

本經

延胡索

開寶

貝母

本經

山慈姑

嘉祐

石蒜

圖經

水仙

會編

白茅

本經

地筋

州錄卽  
菅茅

芒

拾遺

本草綱目卷十三  
龍膽 本經

細辛 本經

杜衡 本經  
木細辛附

及已 別錄

鬼督郵 唐本

徐長卿 本經

白微 本經

白前 別錄

草犀 拾遺

釵子股 海藥

吉利草 綱目

硃砂根 綱目

辟虺雷 拾遺

錦地羅 綱目

紫金牛 圖經

拳參 圖經

鐵線草 圖經

金絲草 綱目

右附方舊七十一新二百一十四

本草綱目草部第十三卷

草之二 山草類下三十九種

黃連 本經上品

釋名王連 本經 支連 藥性時珍曰其根連珠而色黃故名

集解 別錄曰黃連生巫陽川谷及蜀郡太山之陽二月八月采根弘景曰巫陽在建平今西間

者色淺而虛不及東陽新安諸縣最勝臨海諸縣者不佳用之當布按去毛令如連珠保昇曰苗似

茶叢生一莖生三葉高尺許凌冬不凋花黃色江左者節高若連珠蜀都者節下不連珠今秦地及

杭州柳州者佳頌曰今江湖荆夔州郡亦有而以宣城九節堅重相擊有聲者為勝施黔者次之東

陽歙州處州者又次之苗高一尺以來葉似甘菊四月開花黃色六月結實似芹子色亦黃江左者

根黃連珠其苗經冬不凋葉如小雉尾草正月開  
花作細穗淡白微黃色六七月根緊始堪采恭曰  
蜀道者粗大味極濃苦療渴為最江東者節如連  
珠療痢大善澧州者更勝時珍曰黃連漢末李當  
之本草准取蜀郡黃肥而堅者為善唐時以澧州  
者為勝今雖吳蜀皆有惟以雅州眉州者為良藥  
物之興廢不同如此大抵有二種一種根粗無毛  
有珠如鷹雞爪形而堅實色深黃一種無珠多毛  
而中虛黃色稍淡各有所宜

**根脩治**斲曰凡使以布拭去肉毛用漿水浸二伏  
時漉出干柳木火上焙乾用時珍曰五臟

六腑皆有火平則治動則病故有君火相火之說  
其實一氣而已黃連入手少陰心經為治火之主  
藥治本臟之火則生用之治肝膽之實火則以豬  
膽汁浸炒治肝膽之虛火則以醋浸炒治上焦之  
火則以酒炒治中焦之火則以薑汁炒治下焦之  
火則以鹽水或朴消炒治氣分濕熱之火則以茱

萸湯浸炒治血分魂中伏火則以乾漆水炒治食  
積之火則以黃土炒諸法不獨為之引導蓋辛熱  
能制其苦寒鹹寒能制其燥性在用者詳酌之

**氣味苦寒無毒**別錄曰微寒晉曰神農岐伯黃帝

黃芩龍骨理石為之使惡菊花玄參白鮮皮羌花  
白殭蠶畏款冬牛膝勝烏頭解巴豆毒權曰忌豬  
肉惡冷水斲曰服此藥至十兩不得食豬肉若服  
至三年一生不得食也時珍曰道書言服黃連犯  
豬肉令人泄瀉而方家有豬肚黃連丸主治熱氣  
豬臟黃連丸豈只忌肉而不知忌臟腑乎

目痛背傷泣出明目腸澀腹痛下痢婦人陰中腫

痛久服令人不忘本經主五臟冷熱久下洩澀膿血

止消渴大驚除水利骨調胃厚腸益膽療口瘡別錄

治五勞七傷益氣止心腹痛驚悸煩躁潤心肺長

肉止血天行熱疾止盜汗并瘡疥猪肚蒸為丸治

小兒疳氣殺蟲大羸瘦氣急藏治鬱熱在中煩躁

惡心兀兀欲吐心下痞滿元主心病逆而盛心積

伏梁好去心竅惡血解服藥過劑煩悶及巴豆輕

粉毒時

**發明**元素曰黃連性寒味苦氣味俱厚可升可降

一也去中焦濕熱二也諸瘡必用三也去風濕四

也赤眼暴發五也止中部見血六也張仲景治九

種心下痞五等瀉心湯皆用之成無已且苦入心

寒勝熱黃連大黃之苦寒以導心下之虛熱虻得

胃則動符苦則安黃連黃蘗之苦以安虻也好古

實則瀉其子也震亨曰黃連去中焦濕熱而瀉心

火若脾胃氣虛不能轉運者則以茯苓黃芩代之

以猪膽汁拌炒佐以龍膽草則大瀉肝膽之火下

痢胃日熱禁口者用黃連人參煎湯終日呷之如

吐再強飲俱得一呷下咽便好劉完素曰古方以

黃連為治痢之最蓋治痢惟宜辛苦寒藥辛能發

散開通鬱結苦能燥濕寒能勝熱使氣宣平而已

諸苦寒藥多泄惟黃連黃蘗性冷而燥能降火去

濕而止瀉痢故治痢以之為君宗爽曰今人多用

黃連治痢蓋執以苦燥之義下裡但見腸虛滲泄

微似有血便即用之又小顧寒熱多血痢服之便止

由是多致危困若氣實初病熱多血痢服之便止

不必盡劑虛而冷者慎勿輕用杲曰諸痛痒瘡瘍

皆屬心火凡諸瘡宜以黃連當歸為君甘草黃芩

為佐凡眼暴發赤腫痛不可忍者宜黃連當歸以

酒浸煎之宿食不消心下痞滿者須用黃連枳實

須曰黃連治目方多而羊肝丸尤奇異今醫家洗  
 眼以黃連當歸芍藥等分用雪水或甜水煎湯熱  
 洗之冷即再溫甚益眼目但是風毒赤目花翳用  
 之無不神効益眼目之病皆是血脉凝滯使然故  
 以行血藥合黃連治之血得熱則行故乘熱洗也  
 韓愈曰火分之病黃連為主不但瀉心火而與苓  
 藥諸苦藥列稱者此也此目疾人以人乳浸蒸或  
 點或服之生用為君佐以官桂少許煎百沸入審  
 空心服之能使心腎交於頃刻入五苓滑石大治  
 夢遺以黃土薑汁酒蜜四炒為君以使君子為臣  
 白芍藥酒煮為佐廣木香為使治小兒五疳以茱  
 萸炒者加水香等分生大黃倍之水丸治五痢此  
 皆得制方之法也時珍曰黃連治日及痢為要藥  
 古方治痢香連丸用黃連木香薑連散用乾薑黃  
 連變通丸用黃連茱萸薑黃散用黃連生薑治消  
 渴用酒蒸黃連治伏暑用酒煮黃連治下血用黃  
 連大蒜治肝火用黃連茱萸治口瘡用黃連細辛  
 皆是一冷一熱一陰一陽寒因熱用熱因寒用君

臣相佐陰陽相濟最得制方之妙所以有成效下  
 無偏勝之害也以景曰俗方多用黃連治痢及渴  
 道方服食長生慎微曰劉宋王微黃連讚云黃連  
 味苦左右相行而至吾聞其人又梁江淹黃連頌云  
 黃連上草丹砂之次禦孽辟妖長靈久視驂龍行  
 天翔馬匝地鴻飛以儀順道則利時珍曰本經別  
 錄多無黃連久服長生之說惟陶弘景言道方久  
 服長生神仙傳載計君達黑穴公並服黃連五十  
 年得仙竊謂黃連大苦大寒之藥用之降火燥濕  
 中病即當止豈可久服使肅殺之令常行而伐其  
 生發冲和之氣乎素問載岐伯言五味入胃各歸  
 所喜攻久而增氣物化之常也氣增而又天之出  
 也王冰註云酸入肝為溫苦入心為熱辛入肺為  
 清鹹入腎為寒甘入脾為至陰而四氣兼之皆增  
 其味而益其氣故各從本臟之氣為用所以久服  
 黃連苦參反熱從火化也餘味皆然久則臟氣偏  
 勝即有偏絕則有暴夭之道是以絕粒服餌之人

不暴亡者無五味偏助也又秦觀與喬希聖論黃連書云閱公以眼疾餌黃連至十數兩猶不已殆不可也醫經有久服黃連苦參反熱之說此雖大寒其味至苦入胃則先歸於心久而不已心火偏勝則熱乃其理也况眼疾本於肝熱肝與心為子母心火也肝亦火也腎孤臟也人患一水不勝二火豈可久服苦藥使心有所偏勝是以火救火其可乎秦公此書蓋因王公之說而推詳之也我明荆端王素多火病醫令服金花在乃苓連厄藥四味餌至數年其火愈熾遂至內障喪明觀此則寒苦之藥不但使人不能長生久則氣增偏勝速天之由矣當以素問之言為法陶氏道書之說皆謬談也湯上瀛云黃連能去心竅惡血

**附方**

舊二十二心經實熱 瀉心湯用黃連七錢水煎小兒減之 卒熱心痛 黃連八錢吹水煎 肝火和劑局方 外臺秘要

**為痛**

黃連薑汁炒為末粥糊丸梧子大每服三十丸白湯下○左金丸用黃連六兩茱萸一兩

同炒為末神麴糊丸梧子大每服三十丸服三四十九白湯下 丹溪方 伏暑發熱 惡及赤

白痢消渴腸風酒毒泄瀉諸病並宜酒煮黃龍丸主之川黃連一斤切以好酒二升半煮乾焙研糊丸梧子大每服五十丸熟 陽毒發狂 奔走不定宜

水下日三服 和劑局方 骨節積熱 漸漸黃瘦黃連等分為末每服三錢濃 易簡方 小兒疰熱 流注遍

煎甘草湯下 廣利方 小兒疰熱 身瘡蝕小便五大合浸經宿微煎三四 小兒疰熱 身瘡蝕

沸去滓分作二服 或潮熱肚脹作渴猪肚黃連丸用猪肚一箇洗淨

宣黃連五兩切碎水和納入肚中縫定放在五升

粳米上蒸爛石臼搗千杵或入少飯同杵丸綠豆

大每服二十九米飲下仍服 調血清心之藥佐之 蓋小兒之病不出于疰則出 三消骨蒸 黃連末以 于熱常須識此 直指方 冬瓜自然

汁浸一夜晒乾又浸如此七次為末以冬瓜汁和  
丸梧子大每服三四十九大麥湯下尋常渴只一  
服見効○消渴尿多 肘後方用黃連末蜜丸梧子  
易簡方 大每服三十九白湯下○寶

鑑用黃連半斤酒一升浸重湯內煮一伏時取晒  
為末大丸梧子大每服五十九溫水下○崔氏治  
消渴小便滑數如油黃連五兩梧樓根五兩為末  
生地黃汁丸梧子大每牛乳下五十九日二服忌  
冷水猪肉○總錄用黃連末入猪 濕熱水病 黃連  
肚肉蒸爛搗丸梧子大飯飲下

丸梧子大每服二九至四九 破傷風病 黃連五錢  
丸飲下日三四服 范汪方 酒一盞煎

七分入黃蠟三錢溶化熱服 小便白淫 因心腎氣  
之 高文虎蓼花洲閑錄 為末酒糊丸梧子大

無窮所致黃連白茯苓等分 每服三十九煎補骨脂湯下日三服 普濟方  
每服三十九煎補骨脂湯下日三服 普濟方

熱毒血痢 宣黃連一兩水一升煮取半升露一宿  
空腹熱服少臥將息一二日即止 千

金赤痢久下 累治不瘥黃連一兩雞子白和為餅  
每服半合溫米飲下一方只 熱毒赤痢 黃連二兩  
以雞子白和丸服 勝金方 切瓦焙令

焦當歸一兩焙為末入麝香少許每服二錢陳 赤  
米飲下佛智和尚在閩以此濟人 本事方

白夕 並無寒熱只日久不止用黃連四十九箇  
並煎梅七箇入新瓶內燒烟盡熱研每服二

錢鹽米湯下○赤白暴痢 如鷺鴨肝者痛不可忍  
楊子建議護命方 用黃連黃芩各一兩水

二升煎一升分三 冷熱諸痢 胡洽九盞湯治下痢  
次熱服 經驗方 不問冷熱赤白穀滯

休息久下悉主之黃連長三寸三十枚重一兩半  
龍骨如碁子大四枚重一兩大附子一枚乾薑一

兩半膠一兩半細切以水五合着銅器中去火三  
寸煎沸便取下坐土上沸止又上水五合如此九

上九下納諸藥入水內再煎沸輒取下沸止又上  
九上九下度可得一升頓服即止 圖經本草

九上九下度可得一升頓服即止 圖經本草

九上九下度可得一升頓服即止 圖經本草

下痢腹痛 赤白痢下令人下部疼重故名重下日

升者取一升半分再服 治痢香連丸 李絳兵部手

當止絞痛也 肘後方 治痢香連丸 集治赤白諸

痢裏急後重腹痛用宣黃連青木香等分擣篩白

蜜丸梧子大每服二三十九丸空腹飲下日再服其

効如神久冷者以煨蒜擣和丸之不拘大人嬰兒

皆効○易簡方黃連菜萸炒過四兩木香麩煨一

兩粟米飯丸○錢仲陽香連丸治小兒冷熱痢加

煨熟訶子肉○又治小兒瀉痢加煨熟肉豆蔻○

又治小兒氣虛瀉痢腹痛加白附子尖○劉河間

治久痢加龍骨○朱丹溪治禁口痢加石蓮肉○

王氏治痢渴加烏梅 五疳八痢 四治黃連丸用連

肉以阿膠化和為丸 珠黃連一斤分作

四分一分用酒浸炒一分用自然薑汁炒一分用

吳茱萸湯浸炒一分用益智仁同炒去益智研末

白芍藥酒煮切焙四兩使君子仁焙四兩廣木香

二兩為末蒸餅和丸綠豆大每服三十九丸米飲食

前下日三服忌猪肉 傷寒下痢 不能食者黃連一

冷水 韓氏醫通 升烏梅二十枚去

核炙燥為末蠟一碁子大蜜一升合煎和丸梧子

大一服二十九日三服○又方黃連二兩熟艾如

鴨子大一團水三升煮取一 氣痢後重 裏急或下

升頓服立止 並肘後方 泄杜壬方

薑連散用宣連一兩乾薑半兩各為末收每用連

一錢薑半錢和勻空心溫酒下或米飲下神妙○

濟生方秘傳香連丸用黃連四兩木香二兩生薑

四兩以薑鋪砂鍋底次鋪連上鋪香新汲水三盞

煮焙研醋調倉米糊 小兒下痢 赤白多時體弱不

諸痢脾泄

臟毒下血雅州黃連

煎和蜜日服五六 次 子母秘錄 大腸內紫定入砂鍋中以水酒煮爛取連焙研末

搗腸和丸梧子大每服百丸朱湯下極効 直指

濕痢腸風 百一選方變通丸治赤白下痢日夜無

湯泡過各二兩同炒香揀出各為末以粟米飯和

丸梧子大各收每服三十九赤痢甘草湯下黃連

丸白痢薑湯下茱萸丸赤白痢各用十五丸米湯

下此乃浙西河山純老方救人甚効○局方戊巳

丸治脾胃受濕下痢腹痛米穀不化用積熱下血

二味加白芍藥同炒研蒸餅和丸服積熱下血

聚金丸治腸胃積熱或因酒毒下血腹痛作渴脉

弦數黃連四兩分作四分一分生用一分切炒一

分炮切一分水浸晒研末條黃芩一兩防風一兩

為末麪糊丸如梧子大每服五十九丸米泔浸枳殼

水食前送下冬月加酒蒸臟毒下血黃連為末獨

大黃一兩楊氏家藏方酒痔下血黃連酒浸煮熟

丸梧子大每空心陳米濟生方酒痔下血黃連酒

飲下四十九丸白湯下一方雞冠痔疾黃連

子大每服三四十九丸白湯下一方雞冠痔疾黃連

用自然薑汁浸焙炒醫學集成雞冠痔疾黃連

之加赤小豆末痔病秘結用此寬腸黃連枳殼等

尤良斗門方痔病秘結用此寬腸黃連枳殼等

服五十九空心米痢痔脫肛良方調黃連末塗之

飲下醫方大成痢痔脫肛良方調黃連末塗之

脾積食泄川黃連二兩為末大蒜搗和丸梧子水

泄脾泄神聖香黃散宣連一兩生薑四兩同以文

肝泄瀉近末每服二錢空心白湯下吐血不止黃

甚者不通二服亦治痢疾博濟方吐血不止黃

一兩搗散每服一盞水七分入或二十粒煎至眼

五分去滓溫服大人小兒皆治簡要濟眾方眼

目諸症金黃連丸用宣連不限多少槌碎以新

肉重湯上熬之不住攪之候乾即穿地坑子可深

一尺以瓦鋪底將熟艾四兩坐在瓦上以火然之

以藥盆覆上四畔泥封開孔出烟盡取刮下丸小

豆大每甜竹葉湯下十九○劉禹錫傳信方羊肝

丸治男女肝經不足風熱上攻頭目昏暗羞明及

和九梧子大每食後暖漿水吞十四丸連作五劑  
瘥昔崔承元活一死囚囚後病死一旦崔病內障  
逾年半夜獨坐聞塔除悉率之聲問之答曰是昔  
蒙活之囚今故報恩遂告以此方而沒崔服之不  
數月眼復明 **暴赤眼痛** 宣黃連剉以雞子清浸置  
因傳於世 又方苦竹兩頭留節一夜次早濾過雞羽  
蘸滴目內○又方苦竹兩頭留節一夜次早濾過雞羽  
黃連片在內油紙封浸井中一夜次早服竹節內  
水加片腦少許外洗之○海上方用黃連冬青葉  
煎湯洗之○選奇方用黃連乾薑杏仁等分為末  
綿包浸湯閉目 **小兒赤眼** 水調黃連末貼足心  
乘熱淋洗之 甚妙 全幼心鑑 爛

**弦風眼** 黃連十文槐花輕粉少許為末男兒乳汁  
和之飯上蒸過帛裹熨眼上三四次即効  
屢試有驗 **目卒痒痛** 乳汁浸黃連頻點皆中抱朴  
仁存方 子云治目中百病 外臺秘  
要 **淚出不止** 黃連浸濃汁漬 肘後方 **牙痛惡熱** 黃連末  
拭之 肘後方 黃連末 立止

**李樓口舌生瘡** 肘後用黃連煎酒時含呷之○赴  
奇方 筵散用黃連乾薑等分為末參之

**小兒口疳** 黃連蘆薈等分為末每蜜湯服五分走  
馬疳入蟾灰等分青黛減半麝香少許  
簡 **小兒鼻齩** 鼻下兩道赤色有疳以米泔洗淨  
便方 用黃連末傳之日三四次 張傑

**子母小兒月蝕** 生於耳後黃連 同土 **小兒食土** 取好黃  
秘錄 末傳之 土煎黃  
連汁搜之晒乾與食 **預解胎毒** 小兒初生以黃連  
姚和衆童子秘訣 煎湯浴之不生瘡  
及丹毒○又方未出聲時以黃連煎汁灌一匙令  
終身不出斑已出聲者灌之斑雖發亦輕此祖方  
也 王海藏 **腹中鬼哭** 黃連煎濃汁母常 **因驚胎**  
湯液本草 呷之 熊氏補遺

**動** 出血取黃連末酒服方寸 **妊娠子煩** 口乾不得  
七日三服 子母秘錄 臥黃連末  
每服一錢粥飲下或酒蒸 **癰疽腫毒** 已潰未潰皆  
黃連左亦妙○婦人良方

本草綱目卷十三 九

椰等分為未以雞子清調搽之王氏簡易方中巴豆毒下利不止黃連乾薑等分為末

水服方寸七肘後方

胡黃連宋開寶

釋名割狐露澤時珍曰其性味功用似黃連故名割狐露澤胡語也

集解恭曰胡黃連出波斯國生海畔陸地苗若夏枯草根頭似鳥嘴折之內似鸚鵡鵝眼者良八月上旬采之頌曰今南海及秦隴間亦有之初生似蘆乾則似楊柳枯枝心黑外黃不拘時月收采折之塵出如煙者乃為真也

根氣味苦平無毒恭曰大寒惡菊花玄參白鮮皮解巴豆毒忌豬肉令人漏精

主治補肝膽明目治骨蒸勞熱三消五心煩熱婦

人胎蒸虛驚冷熱洩痢五痔厚腸胃益顏色浸人

乳汁點目甚良蘇恭治久痢成疝小兒驚癇寒熱不

下食霍亂下痢傷寒欬嗽溫瘧理腰腎去陰汗開寶

去果子積震亨

附方舊二新傷寒勞復身熱大小便赤如血色用胡黃連一兩山厄子二兩

去殼入蜜半兩拌和炒令微焦為末用豬膽汁和九梧子大每服十丸用生薑二片烏梅一箇童子小便三合浸半日去滓食後暖小便令溫小兒潮

吞之臥時再服甚効蘇頌圖經本草小兒潮

熱往來盜汗用南番胡黃連柴胡等分為末煉蜜丸芡子大每服一丸至五丸安器中以酒少許化開便入水五分重湯煮二三小兒疳熱肚脹潮熱髮焦

十淋和滓孫兆秘寶方

不可用大黃黃岑傷胃之藥恐生別證以胡黃連五錢靈脂一兩為末雄豬膽汁和丸綠豆大朱飲

服每服一二十丸全幼心鑑肥熱疰疾胡黃連丸用胡黃連黃

為末入豬膽內扎定以杖子鈞懸於砂鍋內漿水煮一次久取出研爛入盧會麝香各一分飯和丸

麻子大每服五七丸至一二錢乙小兒方訣五心煩熱胡黃連

服一錢○小兒疳瀉冷熱不調胡黃連半兩綿薑

易簡方節湯下衛小兒自汗盜汗潮熱注來胡黃連柴

生總微論每用一二九水化開人酒少許重小兒黃疸胡黃

湯煮一十沸溫服保幼大全黃連各一兩為末用黃瓜一箇去瓢留蓋入藥在

內合定麪裹煨熟去麪搗丸菜豆大每量大小溫水下總微論吐血衄血胡黃連生地黄等分為末豬膽

十九普濟方血痢不止胡黃連烏梅肉竈下上等分熱

痢腹痛胡黃連末飯丸梧子大每米嬰兒赤目茶

胡黃連末塗手足心癰疽瘡腫已潰未潰皆可用

即愈濟急仙方痔瘡疼腫不可忍者胡

燒存性等分為末以茶或黃連末鷲膽

雞子清調塗簡易方怪病血餘方見木部

汁調塗之孫氏集効方黃芩本經中品

釋名腐腸本經空腸別錄內虛別錄妬婦吳普經芩別錄黃文

尾芩唐本鼠尾芩弘景曰圓者名子芩破者名宿芩

別錄印頭吳普苦督郵事記內實者名子芩弘景條芩綱目純

說文作荅謂其色黃也或云苓者黔也黔乃黃黑  
之色也宿苓乃舊根多中空外黃內黑即今所謂  
片苓故又有腐腸如婦諸名如婦心黔故以比之  
子苓乃新根多內實即今所謂條苓或云西苓多  
中空而色黔此苓  
多內實而淡黃

**集解**

別錄曰黃苓生秭歸川谷及宛旬三月三日  
采根陰乾弘景曰秭歸屬建平郡今第一出  
彭城鬱州亦有之惟深紫色堅實者好俗方多用道  
家不須蒸日今出宜州鄜州涇州者北兗州大實  
亦好名純尾苓頌曰今川蜀河東陝西近郡皆有  
之苗長尺餘莖幹粗如筋葉從地四面作叢生類  
紫草高一尺許亦有獨莖者葉細長青色兩兩相  
對六月開紫花根如知母粗細長四五寸二月八  
月采根暴乾吳普本草云二月生赤黃葉兩兩四  
面相值其莖空中或方圓高三四尺四月花紫紅  
赤五月實黑根黃二月至九  
月采與今所說有小異也

**根氣味苦平無毒**

別錄曰大寒普曰神農桐君雷  
公苦無毒李當之小溫稟曰可

升可降陰也好古曰氣寒味微苦而甘陰中微陽  
入手太陰血分元素曰氣涼味苦甘氣厚味薄浮  
而升陽中陰也入手少陽陽明經酒炒則上行之  
才曰山茱萸龍骨為之使惡葱實畏丹砂牡丹藜  
蘆得厚朴黃連止腹痛得五味子牡蠣令人有子  
得黃芪白斂赤小豆療鼠瘦時珍曰得酒上行得  
豬膽汁除肝膽火得柴胡退寒熱得芍藥  
治下痢得桑白皮瀉肺火得白朮安胎

**主治諸**

熱黃疸腸澼洩痢逐水下血閉惡瘡疽蝕火瘍

本經

療痰熱胃中熱小腹絞痛消穀利小腸女子血閉

淋露下血小兒腹痛

別錄

治熱毒骨蒸寒熱往來腸

胃不利破擁氣治五淋令人宣暢去關節煩悶解

熱渴甄權下氣主天行熱疾丁瘡排膿治乳癰發背

大涼心治肺中濕熱瀉肺火上逆療上熱目中腫

赤瘀血壅盛上部積血補膀胱寒水安胎養陰退

陽元素治風熱濕熱頭疼奔豚熱痛火欬肺痿喉腥

諸失血時珍

發明杲曰黃芩之中枯而飄者瀉肺火利氣消痰

養陰退陽補膀胱寒水滋其化源高下之分與枳

實初殼同例元素曰黃芩之用有九瀉肺熱一也

上焦皮膚風熱風濕二也去諸熱三也利胸中氣

四也消痰隔五也除脾經諸濕六也夏月須用七

也婦人產後養陰退陽八也安胎九也酒炒上行

主上部積血非此不能除下痢膿血腹痛後重身

熱久不能止者與芍藥甘草同用之凡諸瘡痛不

可忍者宜芩連苦寒之藥詳上下分身稍及引經

藥用之震亨曰黃芩降痰假其降火也凡去上焦

濕熱須以酒洗過用片芩瀉肺火須用桑白皮佐

之若肺虛者多用則傷肺必先以天門冬保定肺

氣而後用之黃芩白朮乃安胎聖藥俗以黃芩為

寒而不敢用蓋不知胎孕宜清熱涼血血不安行

乃能養胎黃芩乃上中二焦藥能降火下行白朮

能補脾也羅天益曰肺主氣熱傷氣故身體麻木

又五臭入肺為腥故黃芩之苦寒能瀉火補氣而

利肺治喉中腥臭頌曰張仲景治傷寒心下痞滿

心湯並用之成無已言黃芩苦而入心泄痞熱是  
黃芩能入手少陰陽明手足太陰少陽六經矣蓋  
黃芩氣寒味苦色黃帶綠苦入心寒勝熱瀉心火  
治脾之濕熱一則金不受刑一則胃火不流入肺  
也少陽之證寒熱胸脇痞滿默默不欲飲食心煩  
嘔或渴或否或小便不利雖曰病在半表半裏而  
胸脇痞滿實兼心肺上焦之邪心煩喜嘔默默不  
欲飲食又兼脾胃中焦之證故用黃芩以治手足  
少陽相火黃芩亦少陽本經藥也成無已注傷寒  
論但云柴胡黃芩之苦以發傳邪之熱芍藥黃芩  
之苦以堅斂腸胃之氣殊昧其治火之妙楊士瀛  
直指方云柴胡退熱不及黃芩蓋亦不知柴胡之  
退熱乃苦以發之散火之標也黃芩之退熱乃寒  
能勝熱折火之本也仲景又云少陽證腹中痛者  
去黃芩加芍藥心下悸小便不利者去黃芩加茯苓  
苓似與別錄治少腹絞痛利小腸之文不合成氏  
言黃芩寒中苦能堅腎故去之蓋亦不然至此當

以意逆之辨以脉證可也若因飲寒受寒腹中痛  
及飲水心下悸小便不利而脉不數者是裏無熱  
證則黃芩不可用也若熱厥腹痛肺熱而小便不  
利者黃芩其不可用乎故善觀書者先求之理毋  
徒泥其文昔有人素多酒慾病少腹絞痛不可忍  
小便如淋諸藥不効偶用黃芩木通甘草三味煎  
服遂止王海藏言有人因虛服附子藥多病小便  
閉服芩連藥而愈此皆熱厥之痛也學者其可拘  
乎予年二十時因感冒欬嗽既久且犯戒遂病骨  
蒸發熱膚如火燎每日吐痰盈許著月煩渴寢食  
幾廢六脉浮洪遍服柴胡麥門冬劑瀝諸藥月餘  
益劇皆以為必死矣先君偶思李東垣治肺熱如  
火燎煩躁引飲而晝盛者氣分熱也宜一味黃芩  
湯以瀉肺經氣分之火遂按方用片芩一兩水二  
鍾煎一鍾頓服次日身熱盡退而痰嗽皆愈

附方

舊三新三黃丸

孫思邈千金方云巴郡太守  
奏加減三黃丸療男子五癆

七傷消渴不生肌肉婦人帶下手足寒熱瀉五臟  
火春三月黃芩四兩大黃三兩黃連四兩夏三月  
黃芩六兩大黃一兩黃連七兩秋三月黃芩六兩  
大黃三兩黃連三兩冬三月黃芩三兩大黃五兩  
黃連二兩三物隨時合擣下篩蜜丸烏豆大米飲  
每服五丸日三不知增至七丸服一月病愈久服

走及奔馬人用有驗禁  
三補丸 治上焦積熱瀉五  
臟火黃芩黃連黃

食豬肉 圖經本草  
藥等分為末蒸餅丸梧子大每  
肺中有火 清金丸  
白湯下二三十九丸 丹溪纂要

炒為末水丸梧子大每服  
膚熱如燦 方見發  
小兒

二三十九丸白湯下  
驚啼 黃芩人參等分  
為末每服  
肝熱生翳 不拘大  
一字水飲下 普濟方

黃芩一兩淡鼓三兩為末每服三錢以熟豬肝  
裹喫溫湯送下日二服忌酒麪 衛生家寶方  
少

陽頭痛 亦治太陽頭痛不拘備正小清空膏用片  
黃芩酒浸透晒乾為末每服一錢茶酒任

下 東垣 眉眶作痛 風熱有痰黃芩酒浸白芷等  
蘭室秘藏 分為末每服二錢茶下 紫

古家 吐血衄血 或發或止積熱所致黃芩一兩去  
珍 蓋煎六分和水 吐衄下血 黃芩二兩水三升煎一  
溫服 聖惠方 升平身溫服一錢亦治

婦人漏下血 血淋熱痛 黃芩一兩水煎  
麗安時卒病論 熱服 千金方 經水不

斷 芩心丸治婦人四十九歲已後天癸當在每月  
却行或過多不止用條芩心二兩米醋浸七日

炙乾又浸如此七次為末醋糊丸梧子大每  
服七十九空 心溫酒下日二次 瑞竹堂方 崩中

下血 黃芩為細末每服一錢霹靂酒下以秤錘燒  
赤滓酒中也許學士云崩中多用止血及補

血藥此方乃治陽乘於陰所謂天  
暑地熱經水沸溢者也 本事方 安胎清熱 條芩

等分炒為末米飲和丸梧子大每服五十九丸白湯  
下或加神麴凡妊娠調理以四物去地黃加白末

下或加神麴凡妊娠調理以四物去地黃加白末

黃芩為末常服甚良丹溪纂要產後血渴飲水不止黃芩麥門冬等分水煎溫服無

時家藏方楊氏灸瘡血出一人灸火至五壯血出不止如尿手冷欲絕以酒炒黃芩

二錢為末酒服即止李樓怪證奇方老小火丹黃芩末水調塗梅師方

子王治腸癖膿血別錄

秦艽音交○本經中品

釋名秦紉唐木秦瓜蕭炳○恭曰秦艽俗作秦膠本名秦紉與糾同時珍曰秦艽出

秦中以根作羅紋交糾者佳汝名秦艽秦紉

集解乾弘景曰秦艽生飛鳥山谷二月八月采根暴

相交長大黃白色者為佳中多冲上用宜破去秦日今出涇州岐州者良頌曰今河陝州郡多

有之其根土黃色而相交糾長一尺以來粗細不

等枝幹高五六寸葉婆娑連莖梗俱青色如萹苳

葉六月中開花紫色似萹花當

月結子每於春秋采根陰乾

根脩治敷曰秦艽須於脚文處認取左文列為秦

拭去黃白毛乃用還元湯浸一宿日乾用時珍曰

秦艽但以左文者為良分秦與芩為二名謬矣

氣味苦平無毒別錄曰辛微溫大明曰苦冷元素

可降入手陽明經之才日萹蒲為之使畏牛乳王治寒熱邪氣寒濕風痺

肢節痛下水利小便本經療風無問久新通身攣急

別錄傳尸骨蒸治疳及時氣大牛乳點服利大小便

療酒黃黃疸解酒毒去頭風甄權除陽明風濕及手

足不遂口噤牙痛口瘡腸風瀉血養血榮筋元泄

熱益膽氣好治胃熱虛勞發熱時

**發明**時珍曰秦艽手足陽明經藥也兼入肝膽故

之濕熱也陽明有濕則身體酸疼煩熱有熱則日

晡潮熱骨蒸所以聖惠方治急勞煩熱身體酸疼

用秦艽柴胡一兩甘草五錢為末每服三錢白湯

調下治小兒骨蒸潮熱減食瘦弱用秦艽炙甘草

各一兩每用一二錢水煎服之錢乙加薄荷葉五錢

**附方**舊五五種黃疸崔元亮海上方云凡黃有數

黃因勞發黃多痰涕目有赤脉益憔悴或而赤惡

心者是也用秦艽一大兩剉作兩帖每帖用酒半

升浸絞取汁空腹服或利便止就中飲酒人易治

屢用得方貞元廣利方治黃病內外皆黃小便

赤心煩口乾者以秦艽三兩牛乳一大升煮取七

合分溫再服此方出於許仁則又孫真人方加芒

消六暴瀉引飲秦艽二兩甘草炙半兩每

錢心神躁熱用秦艽一兩牛乳一大盞急勞煩熱

渴煎六分分作二服太平聖惠方

方見發小兒骨蒸同小便艱難或轉胞腹滿悶不

明下一兩水一盞煎六分分作二服○又方加胎動不

冬葵子等分為末酒服一匕聖惠方

安秦艽甘草炙鹿角膠炒各半兩為末每服三錢

炒艾葉等分如上發背初起疑似者便以秦艽牛

**釋名地薰** 本經 **芸蒿** 別錄 **山菜** 吳普 **茹草** 古柴字上林賦 是

云此薑及爾雅云此草並作此此字此草根紫色今太常用此胡是也又以木代系相承呼為柴胡曰檢諸本草無名此者時珍曰此字有柴紫二音此薑此草之此皆音紫此胡之此音柴此胡生山中嫩則可茹老則采而為柴故苗有芸蒿山菜茹草之名而根名柴胡也蘇恭之說殊欠明古本張仲景傷寒論尚作此字也

**集解** 別錄曰此胡葉名芸蒿辛香可食生弘農川谷及宛句二月八月采根暴乾弘景曰今出

近道狀如前胡而強博物志云芸蒿葉似邪蒿春秋有白菊長四五寸香美可食長安及河內並有之恭曰傷寒大小柴胡湯為痰氣之要若以芸蒿根為之大謬矣頌曰今關陝江湖間近道皆有之以銀州者為勝二月生苗甚香莖青紫堅硬微有細線葉似竹葉而稍緊小亦有似斜蒿者亦有似

麥門冬葉而短者七月開黃花根淡赤色似前胡而強生丹州者結青子與他處者不類其根似蘆頭有赤毛如鼠尾獨窠長者好頌曰此胡出在平州平縣即今銀州銀縣也西畔生處多有白鶴綠鶴于此飛翔是此胡香直上雲間若有過往聞者皆氣爽也承曰柴胡以銀夏者最良根如鼠尾長一二尺香味甚佳今圖經所載俗不識其真市人以同華者代之然亦勝於他處者蓋銀夏地方多沙同華亦沙苑所出也機曰解散用北柴胡虛熱用海陽軟柴胡為良時珍曰銀州即今延安府神木縣五原城是其廢蹟所產柴胡長尺餘而微白且軟不易得也北地所產者亦如前胡而軟今人謂之北柴胡是也入藥亦良南土所產者不似前胡正如蒿根強硬不堪使用其苗有如韭葉者竹葉者以竹葉者為勝其如邪蒿者最下也按夏小正月令云仲春芸始生倉頡解詁云芸蒿也似邪蒿可食亦柴胡之類入藥不甚良故蘇恭以為非柴胡云近時有一種根似桔梗沙參白色而大市

人以偽充銀柴胡殊無氣味不可不辨

**根脩治** 數日凡采得銀州柴胡去鬚及頭用銀刀削去赤薄皮少許以粗布拭淨到用勿令

犯火立便無効也

**氣味苦平無毒**

別錄曰微寒普曰神農岐伯雷公苦無毒大明曰甘元素曰氣味俱

輕陽也升也少陽經藥引胃氣上升苦寒以發散表熱某曰升也陰中之陽手足少陽厥陰四經引經藥也在臟主血在經主氣欲上升則用根以酒浸欲中及下降則用稍之才曰半夏為之使惡皂莢畏女菀藜蘆時珍曰行手足少陽以黃芩為佐行手足厥陰以黃連為佐

**主治心腹**

腸胃中結氣飲食積聚寒熱邪氣推陳致新久服

輕身明目益精除傷寒心下煩熱諸痰熱結實

胸中邪氣五臟間遊氣大腸停積水脹及濕痺拘

攣亦可作浴湯別錄治熱勞骨節煩疼熱氣肩背疼

痛勞乏羸瘦下氣消食宣暢氣血主時疾內外熱

不解單煮服之良甄權補五勞七傷除煩止驚益氣

力消痰止嗽潤心肺添精髓健忘大明除虛勞散肌

熱去早晨潮熱寒熱往來膽痺婦人產前產後諸

熱心下痞胸脇痛元素治陽氣下陷平肝膽三焦包

絡相火及頭痛眩暈目昏赤痛障翳耳聾鳴諸瘧

及肥氣寒熱婦人熱入血室經水不調小兒痘疹

餘熱五疰羸熱

時珍

發明

之才口口此胡得桔梗大黃石膏麻子仁甘草

傷寒寒熱頭痛心下煩滿頰日張仲景治傷寒有大小柴胡及柴胡加龍骨柴胡加芒消等湯故後人治寒熱此為最要之藥果日能引清氣而行陽道傷寒外諸有熱則加之無熱則不加也又能引胃氣上行升騰而行春令者宜加之又凡諸瘧以柴胡為君隨所發時所在經分佐以引經之藥十二經瘡疽中須用柴胡以散諸經血結氣聚功與連翹同也好古曰柴胡能去臟腑內外俱乏既能引清氣上行而順陽道又入足少陽在經主氣在臟主血而前行則惡熱却退則惡寒惟氣之微寒味之薄者故能行經若佐以三稜廣茂巴豆之類則能消堅積是主血也婦人經水適來適斷傷寒雜病易老俱用小柴胡湯加以四物之類并秦艽牡丹皮輩為調經之劑又言婦人產後血熱必用之

藥也宗奭曰柴胡本經並無一字治勞今人治勞方中鮮有不用者嗚呼凡此誤世甚多嘗原病勞者牢也當須斟酌川之如經驗方中治勞熱青蒿煎之用柴胡正合宜爾服之無不効熱去即須急止若或無熱得此愈甚雖至死人亦不怨目擊甚多日華子又謂補五勞七傷藥性論亦謂治勞乏羸瘦若此等病苟無實熱醫者執而用之不死何待注釋本草一字亦不可忽蓋萬世之後所誤無窮可不謹哉如張仲景治寒熱往來如瘧狀用柴胡湯正合其宜也時珍曰勞有五勞病在五臟若勞在肝膽心及包絡有熱或少陽經寒熱者則柴胡乃手足厥陰少陽必用之藥勞在脾胃有熱或少陽氣下陷則柴胡乃引清氣退熱必用之藥惟勞在肺腎者不用可爾然東垣李氏言諸有熱者宜加之無熱則不加又言諸經之瘧皆以柴胡為君十二經瘡疽須用柴胡以散結聚則是肺瘧腎瘧十二經之瘡有熱者皆可用之矣但要者精思

病原加減佐使可也寇氏不分臟腑經絡有熱無  
熱乃謂柴胡不治勞乏一槩擯斥殊非通論如和  
劑局方治上下諸血龍腦雞蘇丸用銀柴胡浸汁  
熬膏之法則世人如此意者鮮矣按龐元英談數  
云張知閣久病瘧熱時如火年餘骨立醫用茸附  
諸藥熱益甚召醫官孫琳診之琳投小柴胡湯一  
帖熱減十之九三服脫然琳曰此名勞瘧熱從髓  
出加以剛劑氣血愈虧安得不瘦蓋熱有在皮膚  
在臟腑在骨髓非柴胡不可若得銀柴胡只須一  
服南方者力減故三服乃効也觀此則得用藥之  
妙可盡憑乎

**附方** 傷寒餘熱 傷寒之後邪入經絡體瘦肌  
熱推陳致新解利傷寒時氣

伏暑倉卒並治不論長幼柴胡四兩甘草一  
兩每用三錢水一盞煎服 許學士本事方 小兒  
骨熱 十五歲以下遍身如火日漸黃瘦盜汗欬嗽  
煩渴柴胡四兩丹砂三兩為末獐猪鬃汁拌

和飯上蒸熟丸綠豆大每服一丸桃  
仁烏梅湯下日三服 聖濟總錄 虛勞發熱 柴

人參等分每服三錢薑  
棗同水煎服 澹寮方 濕熱黃疸 柴胡一兩甘草

以水一盞白茅根一握煎至七分  
任意時時服盡 孫尚藥秘寶方 眼目昏暗 柴胡

决明子十八銖治篩人乳汁和傳  
目上久夜見五色 千金方 積熱下痢 柴胡

等分半酒半水煎七分浸  
冷空心服之 濟急方 黃芩

**苗** 主治 卒孽擣汁頻滴之 千金

前胡 別錄 中品

**釋名** 時珍曰按孫愐唐韻  
作湔胡名義未解

**集解** 別錄曰前胡二月八月采根暴乾弘景曰近  
道皆有生下濕地出吳興者為勝根似柴胡

而柔軟為療殆欲同之本經上品有茈胡而無此  
晚來醫乃用之大明曰越衢婺睦等處者皆好七  
八月采之外黑裏白頌曰今陝西梁漢江淮荆襄  
州郡及相州孟州皆有之春生苗青白色似斜蒿  
初出時有白芽長三四寸味甚香美又似芸蒿七  
月內開白花與蔥花相類八月結實根青紫色今  
鄜延將來者大與柴胡相似但柴胡赤色而脆前  
胡黃而柔軟為不同爾一說今諸方所用前胡皆  
不同汴京北地者色黃白枯脆絕無氣味江東乃  
有三四種一種類當歸皮斑黑肌黃而脂潤氣味  
濃烈一種色埋黃白似人參而細短香味都微一  
種如草烏頭膚赤而堅有兩三歧為一本食之亦  
戟人咽喉中破以薑汁漬搗服之甚下膈解痰實  
然皆非真前胡也今最上者吳中又壽春生者  
皆類柴胡而大氣芳烈味亦濃苦療痰下氣最勝  
諸道者敷曰凡使勿用野蒿世緣真似前胡只是  
味粗酸若誤用之令人反胃不受食若是前胡味  
甘微苦也時珍曰前胡有數種惟以苗高一二尺

色似斜蒿葉如野菊而細瘦嫩時可食秋月開  
白花類蛇牀子花其根皮黑肉白有香氣為真大  
抵北地者為勝故  
方書稱北前胡云

**根脩治**  
敷曰脩事先用刀刮去蒼黑皮并髭土  
了細剉以甜竹瀝浸令潤日中曬乾用

**氣味苦微寒無毒**  
權曰甘辛平之才曰半夏為之使惡皂莢畏藜蘆

**主治**痰滿胸脇中痞心腹結氣風頭痛去痰下氣

治傷寒寒熱推陳致新明目益精別錄能去熱實及

時氣內外俱熱單煮服之甄權治一切氣破癥結開

胃下食通五臟主霍亂轉筋骨節煩悶反胃嘔逆

氣喘欬嗽安胎小兒一切疳氣大明清肺熱化痰熱

散風邪時珍

**發明** 時珍曰前胡味甘辛氣微平陽中之陰降也乃手足太陰陽明之藥與柴胡純陽上升入

少陽厥陰者不同也其功長于下氣故能治痰熱喘嗽痞膈嘔逆諸疾氣下則火降痰亦降矣所以有推陳致新之績為痰氣要藥陶弘景言其與柴胡同功非矣治證雖同而所入所至則異

**附方** 舊 **小兒夜啼** 前胡薺篩蜜丸小豆大日服一丸熟水下至五六丸以搓為度

濟方

防風 本經上品

**釋名** **銅芸** 本經 **圓芸** 吳普 **圓草** 別錄 **屏風** 別錄 **簡根** 別錄 **百枝**

**別錄** **百蜚** 吳普 時珍曰防者禦也其功療風最要故名屏風者防風隱語也曰芸曰簡曰簡者

其花如茴香其氣如芸蒿蘭也

**集解** 別錄曰防風生沙苑川澤及邯鄲琅琊上蔡黑黃白五月黃花六月結實黑色弘景曰郡縣無

名沙苑今第一出彭城蘭陵即近琅琊者鬱州百

亦亦有之次出襄州義陽縣界亦可用惟以實而脂潤頭節堅如蚯蚓頭者為好恭曰今出齊州龍

山最善淄州兗州青州者亦佳葉似牡蒿附子苗等沙苑在同州南亦出防風輕虛不如東道者陶

云無沙苑誤矣頌曰今汴東淮浙州郡皆有之莖葉俱青綠色莖深而葉淡似青蒿而短小春初時

嫩紫紅色江東宋毫人采作菜茹極爽口五月開細白花中心攢聚作大房似薺薺花實似胡荽子

而大根土黃色與蜀葵根相類二月十月采之關中生者三月六月采之然輕虛不及齊州者良又

有石防風出河中府根如蒿根而黃葉青花白五月開花六月采根暴乾亦療頭風脹痛時珍曰江

淮所產多是石防風生于山石之間二月采嫩苗  
作菜辛甘而香呼為珊瑚菜其根粗醜其子亦可  
種吳綬云凡使以黃色而潤者為佳白者多沙條不堪

氣味甘温無毒

別錄曰辛無毒又頭者令人發狂  
又尾者發人痼疾普曰神農黃帝

岐伯桐君雷公扁鵲甘無毒李當之小寒元素曰  
味辛而甘气温氣味俱薄浮而升陽也手足太陽  
經之本藥好古曰又行足陽明太陰二經為肝經  
氣分藥果曰防風能制黃芪黃芪得防風其功愈  
大乃相畏而相使者也之才曰得葱白能行周身  
得澤瀉藁朮療風得當歸芍藥陽起石禹餘糧療  
婦人子臟風畏革薜殺附子  
毒惡藜蘆白欬乾薑羌花

主治大風頭眩痛惡

風風邪日盲無所見風行周身骨節疼痛久服輕

身

本經煩滿脇痛風頭面去來四肢攣急字乳金瘡

內瘞

別錄治三十六般風男子一切勞劣補中益神

風赤眼止冷淚及癰瘰通利五臟關脉五勞七傷

羸損盜汗心煩體重能安神定志勻氣脉大治上

焦風邪瀉肺實散頭目中滯氣經絡中留濕主上

部見血

元素搜肝氣好古

葉主治中風熱汗出

別錄頌曰江東一種防風茹  
其嫩苗云動風與此文相反

豈別是  
一物耶

花主治四肢拘急行履不得經脉虛羸骨節間痛

心腹痛

權

子主治療風更優調食之

蘇恭

發明 元素曰防風治風通用身半已上風邪用身

能勝濕故爾能瀉肺實誤服瀉人上焦元氣杲曰

防風治一身盡痛乃率伍卑賤之職隨所引而至

乃風藥中潤劑也若補脾胃非此引用不能行凡

脊痛項強不可回顧腰似折項似拔者乃手足太

陽證亦當用之為能散結去上部風病人身體拘

倦者風也諸瘡見此證亦須用之錢仲陽

瀉黃散中倍用防風者乃於上中瀉木也

附方 新舊二自汗不止 防風去蘆為末每服二錢浮

用麩炒猪睡中盜汗 防風二兩芎藭一兩人參半

皮煎湯下 兩甘草半兩為末每服三錢臨臥飲下

簡方 易消風順氣 兩甘草半兩為末每服三錢

二錢 簡便方 偏正頭風 防風白芷等分為末煉蜜丸彈

方 破傷中風 牙關緊急天南星防風等分為末每

分二服即止也 小兒解顛 防風白及柏子仁等分

一換 經驗後方 婦人崩中 獨聖散用防風去蘆頭炙赤

生主論 養 下更以麩糊酒投之此藥累經驗方 解烏頭毒 附

一方加炒黑蒲黃等分 解芫花毒 同 解野菌毒 同 解

獨活 本經上品

釋名 羌活 本經 羌青 本經 獨搖草 別錄 護羌使者 本經 胡王

使者吳普長生草

弘景曰一莖直上不為風搖故曰

自動故名獨搖草大明曰獨活是羌活母也時珍曰獨活以羌中來者為良故有羌活胡王使者諸名乃一物二種也正如川芎撫芎白朮蒼朮之義入用微有不同後人以為二物者非矣

集解

別錄曰獨活生雍州川谷或隴西南要二月

羌活形細而多節軟潤氣息極猛烈出益州北都西川者為獨活色微白形虛大為用亦相似而小不如至易蛀宜密器藏之頌曰獨活羌活今出蜀漢者佳春生苗葉如青麻六月開花作叢或黃或紫結實時葉黃者是夾石上所生葉青者是土脉中所生本經云二物同一類今人以紫色而節密者為羌活黃色而作塊者為獨活而陶隱居言獨活色微白形虛大用與羌活相似今蜀中乃有大獨活類桔梗而大氣味亦不與羌活相類用之微寒而少効今又有獨活亦自蜀中來類羌活微黃

而極大收時寸解乾之氣味亦芳烈小類羌活又有槐葉氣者今京下多用之極効驗意此為真者而市人或擇羌活之大者為獨活殊未為當大抵此物有兩種西蜀者黃色香如蜜隴西者紫色秦隴人呼為山前獨活古方但用獨活今方既川獨活而又用羌活茲為謬矣機曰本經獨活一名羌活木非二物後人見其形色氣味不同故為異論然物多不齊一種之中自有不同仲景治少陰所用獨活必緊實者東垣治太陽所用羌活必輕虛者正如黃芩取枯飄者名片芩治太陰條實者名子芩治陽明之義同也况古方但用獨活無羌活今方俱用不知病宜兩用耶抑未之考耶時珍曰獨活羌活乃一類二種以中國者為獨活西羌者為羌活蘇頌所說頗明按王貺易簡方云羌活須用紫色有蠶頭鞭節者獨活是極大羌活有白如鬼眼者尋常皆以老宿前胡為獨活者非矣近時江淮山中出一種土當歸長近尺許白肉黑皮氣亦芬香如白芷氣人亦謂之水白芷用充獨活解

散亦或不用之  
不可不辨

根脩治數日采得細剉以淫羊藿梓梔二日暴乾  
去藿用兔煩人心時珍曰此乃服食家治

法尋常去皮  
或焙用爾

氣味苦甘平無毒別錄曰微温權曰苦辛元素曰

而升陽也足少陰行經氣分之藥羌活性温辛苦  
氣味俱薄浮而升陽也手足太陽行經風藥並入  
足厥陰少陰經氣分之才曰豚實為主治風寒所

擊金瘡止痛奔豚癰瘰女子疝瘕久服輕身耐老

經本療諸賊風百節痛風無問久新別錄獨活治諸中

風濕冷奔喘逆氣皮膚苦痒手足攣痛勞損風毒

齒痛羌活治賊風失音不語多痒手足不遂口面

喎斜遍身瘡痺血癩甄羌獨活治一切風并氣筋

骨攣拳骨節酸疼頭旋目赤疼痛五勞七傷利五

臟及伏梁水氣大治風寒濕痺酸痛不仁諸風掉

眩頸項難伸去腎關風邪搜肝風瀉肝氣治項

強腰脊痛好散癰疽敗血元

發明恭曰療風宜用獨活兼水宜用羌活劉完素

因其所勝而為制也張元素曰風能勝濕故羌活  
能治水濕獨活與細辛同用治少陰頭痛頭運目  
眩非此不能除羌活與川芎同用治太陽少陰頭  
痛透關利節治督脉為病脊強而厥好古曰羌活

乃是太陽厥陰少陰藥與獨活不分二種後人因  
羌活氣雄獨活氣細故雄者治足太陽風濕相搏  
頭痛肢節痛一身盡痛者非此不能除乃却亂反  
正之主君藥也細者治足少陰伏風頭痛兩足濕  
痺不能動止者非此不能治而不治太陽之證時  
珍曰羌活獨活皆能逐風勝濕透關節但氣有  
剛劣不同爾素問云從下上者引而升之其味苦  
辛而溫味之薄者陰中之陽故能引氣上升通達  
周身而散風勝濕按文系曰唐劉師貞之兄病風  
夢神人曰但取胡王使者浸酒服便愈師貞訪問  
皆不曉復夢其母曰胡王使者即羌活也求而用  
之兄疾遂愈嘉謨曰羌活本手足太陽表裏引經  
之藥又入足少陰厥陰各列若部之中非比柔懦  
之主小無不入大無不通故能散肌表八風之邪  
利周身百節之痛

附方

舊七  
新七

中風口噤

通身冷不知人獨活四兩好  
酒一升煎半升服

中風不語

獨活一兩酒二升煎  
有聲以藥酒熱投蓋之良久溫服三合

未瘥再服

陳熱風癱瘓

常舉發者羌活二斤構  
子一升為末每酒服方

寸七日三服

產後中風

語澀四肢拘急羌活三兩  
為末每服五錢酒水各一

蓋煎減半服

產後風虛

獨活白鮮皮各三兩水三  
升煮二升分三服耐酒者

入酒同煮

產後腹痛

羌活二兩煎酒  
必効方

產腸脫出

同方

上子

妊娠浮腫

羌活蘿蔔子同炒香只取羌活  
為末每服二錢溫酒調下一日

一服二日二服三日三服

薄張昌明所傳許學士本事方

風水浮腫

方同

歷節風痛

獨活羌活松節等分用酒煮過  
每日空心飲一盃外臺秘要

風牙腫

痛

肘後方用獨活煮酒熱漱之○文略公藥準用  
獨活地黃各三兩為末每服三錢水一盞煎和

津温服臥 喉閉口噤 羌活三兩牛蒡子二兩水煎

時再服 一鍾入白礬少許灌之取効

濟錄 睛垂至鼻 人睛忽垂至鼻如黑角塞痛不可

用羌活煎汁服數盞自 太陽頭痛 羌活防風紅豆

愈 夏子益奇疾方 等分爲末啗鼻

微義 玉機

土當歸 綱目

集解 根氣味辛温無毒 主治除風和血煎酒服之 閃拘

手足同荆芥葱白煎湯淋洗之 時珍 出衛 生易簡方

都管草 宋圖經

集解 頌曰都管草生宜州田野根似羌活頭歲長

一節苗高一尺許葉似土當歸有重臺二月

八月采根陰乾施州生者作蔓又名香球蔓長丈

餘赤色秋結紅實四時皆有采其根枝淋洗風毒

瘡腫時珍曰按范成大桂海

志云廣西出之一莖六葉

根氣味苦辛寒無毒 主治風腫癰毒赤疣以醋摩

塗之亦治咽喉腫痛切片含之立愈 蘇頌 解蜈蚣蛇

毒 時珍

升麻 本經上品

釋名周麻 時珍曰其葉似麻其性上升故名按張

揖廣雅及吳普本草並云升麻一名周

升麻則周或指周地如今人呼川升麻

之義今別錄作周麻非省文即脫誤也

本草綱目卷之三

升麻

升麻生益州山谷二月八月采根日

實今惟出益州好者細削皮青綠色謂之雞骨升

麻北部亦有而形虛大黃色建平亦有而形大味

薄不堪用人言是落新婦根不然也其形相似氣

色非也落新婦亦解毒取葉按作小兒浴湯王驚

作藏器曰落新婦今人多呼為小升麻功用同於

升麻亦大小有殊也志曰升麻今嵩高出者青色青

功用不如蜀者頌曰今蜀漢陝西淮南州郡皆有

之以蜀川者為勝春生苗高三尺以來葉似麻葉

並青色四月五月着花似粟穗白色六月

以後結實黑色根如蒿根紫黑色多鬚

根脩治數曰采得刮去粗皮用黃精自然汁浸一

白外黑而緊實者謂之鬼

驗升麻去鬚及頭蘆剉用

氣味甘苦平微寒無毒

元素曰性溫味辛微苦氣

味俱薄浮而升陽也為足

陽明太陰引經的藥得葱白白芷亦入手陽明太

陰果曰引葱白散手陽明風邪引石膏止陽明商

痛人參黃芪非此引之不能上行時珍曰升麻同

柴胡引生發之氣上行同葛根能發陽明汗

主治解百毒殺百精老物殃鬼辟瘟疫瘴氣邪氣

蠱毒入口皆吐出中惡腹痛時氣毒癘頭痛寒熱

風腫諸毒喉痛口瘡久服不大輕身長年

本安魂

定鬼鬼附啼泣疳蠶遊風腫毒

大小兒驚癇熱壅

不通療癰腫豌豆瘡水煎綿沾拭瘡上

治陽明

頭痛補脾胃去皮膚風邪解肌肉間風熱療肺痿

欬唾膿血能發浮汗

元牙根浮爛惡臭太陽熱衄

素

元

牙根浮爛惡臭太陽熱衄

素

元

牙根浮爛惡臭太陽熱衄

素

元

本草綱目卷之三十一  
為瘡家聖藥

好古

消斑疹行瘀血治陽陷眩運胸脇

虛痛久泄下痢後重遺濁帶下崩中血淋下血陰

痿足寒

時珍

發明

元素曰補脾胃藥非此為引用不能取効脾痺非此不能除其用有四手足陽明引經一

也升陽氣於至陰之下二也去至高之上及皮膚風邪三也治陽明頭痛四也(杲曰)升麻發散陽明風邪升胃中清氣又引甘溫之藥上升以補衛氣之散而實其表故元氣不足者用此於陰中升陽又緩帶脉之縮急比胃虛傷冷鬱遏陽氣於脾土者宜升麻葛根以升散其火鬱(好古曰)升麻葛根湯乃陽明發散藥若初病太陽證便服之發動其汗必傳陽明反成其害也朱肱活人書言瘀血入裏吐血衄血者犀角地黄湯乃陽明經聖藥如無犀角以升麻代之二物性味相遠何以代之蓋以

升麻能引地黃及餘藥同入陽明也(時珍曰)升麻引陽明清氣上行柴胡引少陽清氣上行此乃稟賦素弱元氣虛餒及勞役饑飽生冷內傷脾胃引經最要藥也升麻葛根湯乃發散陽明風寒藥也(時珍)用治陽氣鬱遏及元氣下陷諸病時行赤眼每有殊効神而明之方可執泥乎一人素飲酒因寒月哭母受冷遂病寒中食無薑蒜不能一爰至夏酷暑又多飲水兼懷佛鬱因病右腰一點脹痛牽引右脇上至胸口則必欲臥發則大便裏急後重頻欲登園小便長而數或吞酸或吐水或作瀉或陽痿或厥逆或得酒少止或得熱稍止但受寒食寒或勞役或入房或怒或饑即時舉發一止則諸證泯然如無病人甚則日發數次服溫脾勝濕滋補消導諸藥皆微止隨發時珍思之此乃饑飽勞逸內傷元氣清陽陷遏不能上升所致也遂用升麻葛根湯合四君子湯加柴胡蒼朮黃芪煎服服後仍飲酒一二盃助之其藥入腹則覺清氣上行胸膈爽快手足和煖頭目精明神采迅發諸證

如掃每發一服即止神驗無比若減升麻葛根或不飲酒則効便遲大抵人年五十以後其氣消者多長者少降者多升者少秋冬之令多而春夏之令少若稟受弱而有前諸證者並宜此藥活法治之素問云陰精所奉其人壽陽精所降其人夭千古之下窺其奧而闡其微者張紫古李東垣二人而已外此則著叅同契悟真篇者皆與此同也又升麻能解痘毒惟初發熱時可用解毒痘已出後氣弱或泄瀉者亦可少用其升麻身根湯則見斑後必不可用為其解散也本草以升麻為解毒吐蠱毒要藥蓋以其為陽明本經藥而性又上升故也按范石湖文集云李燾為雷州推官鞠獄得治蠱方毒在上用升麻吐之在腹用鬱金下之或合二物服之不吐則下此方活人甚多也

附方

新舊五服食丹砂石泉公王方慶嶺南方云蠱用升麻末三兩研鍊過光明砂一兩以蜜丸

梔子大每日食後服三九蘇頌圖經本草豌豆

斑瘡

比歲有病天行斑瘡頭面及身須臾周匝狀如火燒瘡皆戴白漿隨決隨生不治數日必死瘡後癩黥彌歲方滅此惡毒之氣所為云晉元帝時此病自西北流起名虜瘡以蜜煎升麻時時食之并以水煮升麻綿

沾拭洗之葛洪肘後方辟瘴明目七物升麻丸芩朴消厄子大黃各二兩豉二升微熬同搗末蜜丸梧子大覺四肢大熱大便難即服三十九取微利為度若四肢小熱只食後服二十九卒腫毒起非但辟瘴甚能明目王方慶嶺南方

升麻磨醋頻喉痺作痛升麻片含嚥或以半兩胃塗之肘後煎服取吐直指方

熱齒痛升麻煎湯熱漱嚥之解毒口舌生瘡升麻或加生地黄直指方

黃連三分為末綿熱癩瘡痒升麻煎湯飲并小兒畏含嚥本事方洗之千金方

尿血蜀升麻五分水五合煎一合服之一產後惡歲兒一日一服姚和衆至寶方

血 不盡或經月半年以升麻三兩清酒五升煮取  
二升分半再服當吐下惡物極良 千金翼方

解苘若毒 升麻煮汁多服 外臺秘要 挑生蠱毒 野葛毒并以  
升麻多煎頻

飲之 直指方 射工溪毒 升麻烏 妻煎水服以  
肘後方

苦參 本經 中品

釋名 苦識 本經 苦骨 綱目 地槐 別錄 水槐 本經 菟槐 別錄 驕槐

別野槐 綱目 白莖 別錄 又名 芩莖 綠白陵郎虎麻時  
錄 珍日 苦以味名參以功名槐以葉

形名也 苦識與菜 部苦識同名異物

集解 別錄日 苦參生汝南山谷及田野三月八月  
十月采根暴乾 弘景日 近道處處有之葉極

似槐葉花黃色子作莢根味至苦惡 頌日 其根黃  
色長五七寸許兩指粗細三五莖並生苗高三四

尺以來葉碎青色極似槐葉春生冬凋其花黃白  
色七月結實如小豆子河北生者無花子五月六

月十月采根暴乾 時珍日 七八月結角如  
蘿蔔子角內有子二三粒如小豆而堅

根 脩治 日 采根用糯米濃泔汁浸一宿其腥穢  
氣並浮在水面上須重重淘過即蒸之從

已至申取 晒切用

氣味 苦寒無毒 之才日 玄參為之使惡貝母兔絲  
漏蘆反藜蘆 時珍日 伏承制雌黃

消 主 治 心腹結氣癥瘕積聚黃疸溺有餘瀝逐水

除癰腫補中明目止淚 本經 養肝膽氣安五臟平胃

氣令人嗜食輕身定志益精利九竅除伏熱腸澀

止渴醒酒小便黃赤療惡瘡下部 別錄 漬酒飲治

疥殺蟲

弘景

治惡蟲脛酸

蘇恭

治熱毒風皮肌煩躁生

瘡赤癩疥脫除大熱嗜睡治腹中冷痛中惡腹痛

甄權

殺疳蟲炒存性米飲服治腸風瀉血并熱痢

時珍

發明

元素曰苦參味苦氣沉純陰足少陰腎經君藥也治本經須用能逐濕頌曰古今方用治

風熱瘡疹最多宗奭曰沈存中筆談載其苦腰重久坐不能行有一將佐曰此乃病齒數年用苦參楷齒其氣味入齒傷腎所致也後有太常少卿舒昭亮亦用苦參楷齒歲久亦病腰自後悉不用之腰疾皆愈此皆方書不載者震亨曰苦參能峻補陰氣或得之而致腰重者因其氣降而不升也非傷腎之謂也其治大風有功况風熱細疹乎時珍曰子午乃少陰君火對化故苦參黃蘗之苦寒皆能補腎蓋取其苦燥濕寒除熱也熱生風濕生虫故又能治風殺虫惟腎水弱而相火勝者用之相

宜若火衰精冷真元不足及年高之人不可用也素問云五味入胃名歸其所喜攻久而增氣物化之常也氣增而久天之由也王水註云入肝為溫入心為熱入肺為清入腎為寒入脾為至陰而兼四氣皆為增其味而益其氣各從本臟之氣故久服黃連苦參而反熱者此其類也氣增不已則臟氣有僣勝偏勝則臟有偏絕故有暴天是以藥不具五味不備四氣而久服之雖且獲勝久必暴天但人疎忽不能精候爾張從正亦云凡藥皆毒也雖甘苦參不可不謂之毒久服則五味各歸其臟其氣增之患諸藥皆然學者當觸類而長之可也至於飲食亦然又按史記云太倉公淳于意醫齊大夫病齩齒灸左手陽明脉以苦參湯日漱三升出入其風五六日愈此亦取其去風氣濕熱殺虫之義

附方

舊九新

熱病狂邪

不避水火欲殺人苦參末蜜丸梧子大每服十九薄

荷湯下亦可為末二傷寒結胸天行病四五日結胸滿痛壯熱苦參

錢水煎服千金方一兩以醋三升煮取一升二合飲之取吐即愈天行毒病非苦參醋藥不解及溫覆取汗良外臺

秘穀疸食勞頭旋心佛鬱不安而發黃由失饑大要合為末牛膽丸梧子大生大麥小兒身熱苦參煎

苗汁服五九日三服肘後方良外臺毒熱足腫作痛欲脫者苦參煮酒夢遺食

減雄豬肚一具洗淨砂觀煮爛石臼搗和藥乾則入汁丸小豆大每服四十九米湯下日三服久小

服身肥食進而夢遺立止劉松石保壽堂方腹熱痛青黑或赤色不能喘者苦參一兩醋一

腹熱痛升半煎八合分二服張傑子母秘錄中惡心痛苦參三兩苦酒一升半煮飲食中毒魚肉

毒上方煎服取吐梅師方血痢不止苦參炒焦為末水丸即愈

未飲下孫大腸脫肛苦參五倍子陳壁土等分氏仁存堂方煎湯洗之以木賊末傅之

醫方方見具產後露風四肢苦煩熱摘要方見具

柴胡頭不痛者用苦參二兩黃芩一兩齒縫出血生地黄四兩水八升煎二升分數服

苦參一兩枯礬一錢為末齧齒風痛方見發鼻瘡日三措之立驗普濟方

膿臭有重也苦參枯礬一兩生地黄黃汁三合肺熱水二盞煎三合少少滴之普濟方

生瘡遍身皆是用苦參末粟米飲丸梧子大遍身每服五十九空心末飲下御藥院方

風疹痺痛不可忍胸頸臍腹及近隱皆然者亦多一升揉濾取汁石器熬成膏和末丸梧子大每服

三十九丸食後溫水服次日便愈寇宗奭衍義

水

水

水

大風癩疾

十日每飲一合日三服常服不絕若覺

瘰即瘡○張子和儒門事親用苦參末二兩以猪

肚盛之縫合煮熟取出去藥先餓一日次早先飲

新水一盞將猪肚食之如吐再食待一二時以肉

湯調無憂散五七錢服取出大小重一二萬為効

後以不蛀皂角一斤去皮子煮汁入苦參末調糊

下何首烏末二兩防風末一兩半當歸末一兩芍

藥末五錢人參末三錢九梧子大每服三五十九

溫酒或茶下日三服仍用麻黃苦參荆芥煎水洗

之○聖濟總錄苦參丸治大風癩及熱毒風瘡疥

癬苦參九月末掘取去皮暴乾取粉一斤以殼麩

炒六兩為末蜜丸每溫酒下三服及心脾

十九日二夜一服一方去枳殼

膚生疥癩癢痒時出黃水及大風手足壞爛一切

風疾苦參三十一兩荆芥穗一十六兩為末水糊

丸茶下和劑局方上下諸瘻或在項或在下部

鼠瘻惡瘡

苦參二斤露焙

以知為度肘後方下部漏瘡苦參煎湯

斗漬二宿去滓入黍米二升

釀熟稍飲日三次肘後方

指方瘰癧結核苦參四兩牛膝汁九菘豆大每煖

湯火傷灼之苦參末油調傅赤白帶下苦參二兩牡

錢為末以雄猪肚一箇水三盞煮爛搗泥和丸

梧子大每服百丸溫酒下陸氏積德堂方

實氣味

根同主治久服輕身不老明目餌如槐

子法有驗

蘇恭

白鮮

音仙○本經中品

釋名白羶

弘景白羊鮮地羊鮮金雀兒椒日華

日俗呼為白羊鮮氣息正似羊羶故又名白羶時珍曰鮮者羊之氣也此草根白色作羊羶氣其子累累如椒故有諸名

集解

別錄曰白鮮皮生上谷川谷及宛旬四月五月采根陰乾弘景曰近道處處有以蜀中者為良恭曰其葉似茱萸高尺餘根皮白而心實花紫白色根宜二月采若四月五月采便虛惡矣頌曰今河中江寧府滁州潤州皆有之苗高尺餘莖青葉稍白如槐亦似茱萸四月開花淡紫色似小蜀葵花根似小蔓青皮黃白而心實山人采嫩苗為菜蔬

根皮氣味苦寒無毒別錄曰鹹之者曰惡主治頭風黃疸欬逆淋瀝女子陰中腫痛濕痺死肌不可屈伸起止行步本經療四肢不安時行腹中大熱飲

水欲走大呼小兒驚癇婦人產後餘痛別錄治一切熱毒風惡風風瘡疥癬赤爛眉髮脫脆皮肌急壯熱惡寒解熱黃酒黃急黃穀黃勞黃甄權通關節利九竅及血脉通小腸水氣天行時疾頭痛眼疼其

花同功大明治肺嗽蘇頌發明時珍曰白鮮皮氣寒善行味苦性燥足太陰陽明經去濕熱藥也兼入手太陰陽明為諸黃風痺要藥世醫止施之瘡科淺矣

附方舊一鼠瘦已破出膿血者白鮮皮煮汁服一升當吐若鼠子也附後方

產後中風人虛不可服他藥者一物白鮮皮湯用新汲水三升煮取一升溫服陳延之

小品

延胡索

宋開寶

釋名玄胡索

好古曰本名玄胡索避宋真宗諱改玄為延也

集解

藏器曰延胡索生奚國從安東來根如半夏色黃時珍曰奚乃東北夷也今二茅山西上

龍洞種之每年寒露後栽立春後生苗葉如竹葉樣三月長三寸高根叢生如芋卵樣立夏掘起

根氣味辛溫無毒

珣曰苦甘宋曰甘辛溫可升可降陰中陽也好古曰苦辛溫純

陽浮也入手王治破血婦人月經不調腹中結塊

崩中淋露產後諸血病血運暴血衝上因損下血

煮酒或酒磨服

開寶

除風治氣暖腰膝止暴腰痛破

癥癖撲損瘀血落胎

大明

治心氣小腹痛有神

氣治腎氣通經絡

李珣

活血利氣止痛通小便

時珍

發明

珣曰主腎氣及破產後惡露或見枕與三稜龜甲大黃為散甚良虫蛭成末者尤良時珍

日玄胡索味苦微辛氣溫入手足太陰厥陰四經能行血中氣滯氣中血滯故專治一身上下諸痛

用之中的妙不可言荆穆王妃胡氏因食蕎麥麩着怒遂病胃腕當心痛不可忍醫用吐下行氣

化滯諸藥皆入口即吐不能奏功大便三日不通因思雷公炮炙論云心痛欲死速覓延胡乃以玄

胡索末三錢溫酒調下即納入少頃大便行而痛遂止又華老年五十餘病下痢腹痛垂死已備棺

木子用此藥三錢米飲服之痛即減十之五調理而安按方勺泊宅編云一人病遍體作痛殆不可

忍都下醫或云中風或云中濕或云腳氣藥悉不効周離亨言是氣血凝滯所致用玄胡索當歸桂

心等分爲末温酒服三四錢隨量頻進以止爲度  
遂痛止蓋玄胡索能活血化氣第一品藥也其後  
趙待制靈因導引失節肢體拘攣亦用此數服而愈

**附方** 舊三新 老小欬嗽 玄胡索一兩枯礬二錢半  
爲末每服二錢軟錫一塊

和含之 鼻出衄血 玄胡索末綿裹塞耳內左衄  
塞右右衄塞左 普濟方

小便尿血 玄胡索一兩朴消七錢半爲末 小便不  
每服四錢水煎服 活人書

通 捻頭散治小兒小便不通用延胡索川苦棟子  
等分爲末每服半錢或一錢白湯滴油數點調

下 錢仲湯 膜外氣疼 及氣塊延胡索不限多少  
小兒直訣 爲末猪胰一具切作塊子

炙熟蕪末頻食 熱厥心痛 或發或止久不愈身熱  
之 勝金方 足寒者用玄胡索去皮

金鈴子肉等分爲末每温酒 下痢腹痛 方見發  
或白湯下二錢 聖惠方 明下 婦

**女血氣** 腹中刺痛經候不調川玄胡索去皮醋炒  
當歸酒浸炒各一兩橘紅二兩爲末酒煮

米糊丸 梧子大每服一百丸 產後諸病 凡產後穢  
空心艾醋湯下 濟生方 汚不盡腹

滿及產後血暈心頭硬或寒熱不禁或心悶手足  
煩熱氣力欲絕諸病並用延胡索炒研酒服二錢

甚効 小兒盤腸 氣痛延胡索茴香等分炒研空  
聖惠方 心米飲量兒大小與服 衛生

易簡 疝氣危急 玄胡索鹽炒全蠍去毒生用等分  
方 爲末每服半錢空心鹽酒下 直

指 冷氣腰痛 玄胡索當歸桂心 肢體拘痛 方同 偏  
方 三味方見發明下

**正頭痛** 不可忍者玄胡索七枚青黛二錢牙皂二  
箇去皮子爲末水和丸如杏仁大每以水

化一丸灌入病人鼻內隨左右口咬銅 墜落車馬  
錢一箇當有涎出成盆而愈 禾類方

筋骨痛不止延胡索末豆淋 酒服二錢日二服 聖惠方

貝母

本經  
中品

釋名

商爾雅音萌

勤母別錄

苦菜別錄

苦花別錄

空草別錄

藥實別錄

弘景曰形似聚貝子故名貝母時珍曰詩云言采其蔕即此一作蜚謂根狀如蜚也苦菜藥實與野苦蕒黃藥子同名

集解

別錄曰貝母生晉地十月采根暴乾恭曰其葉似大蒜四月蒜熟時采之良若十月苗枯

根亦不佳也出潤州荊州襄州者最佳江南諸州亦有頌曰今河中江陵府郢壽隨鄭蔡潤滁州皆有之二月生苗莖細青色葉亦青似蕎麥葉隨苗出七月開花碧綠色形如鼓子花八月采根根有瓣子黃白色如聚貝子此有數種陸機詩疏云商貝母也葉如栝樓而細小其子在根下如芋子正白四方連累相着有分解今近道出者正類此郭璞注爾雅言白花葉似韭此種罕復見之敷曰貝

母中有獨顆團不作兩片無皺者號曰丹龍精不入藥用誤服令人筋脉末不收惟以黃精小藍汁服之立解

根脩治

敷曰凡使先於柳木灰中炮黃擘去內口鼻中有米許大者心一顆後持糯米於鐵

上同炒待米黃去米用

氣味辛平無毒

別錄曰苦微寒恭曰味甘苦不辛之才曰厚朴白微為之使惡桃花

畏秦艽莽草礬石反烏頭

主治傷寒煩熱淋瀝邪氣疝瘕喉痺

乳難金瘡風瘰

本經療腹中結實心下滿洗洗惡風

寒目眩項直欬嗽上氣止煩熱渴出汗安五臟利

骨髓

別錄

服之不饑斷穀

弘景

消痰潤心肺末和沙糖

丸含止嗽燒灰油調傳人畜惡瘡歛瘡口

大主胸

脇逆氣時疾黃疸研末點目去膚腎以七枚作末

酒服治產難及胞衣不出與連翹同服主項下瘤

癭疾

甄權

發明

承曰貝母能散心胸鬱結之氣故詩云言采其商是也作詩者本以不得志而言今用治

心中氣不快多愁鬱者殊有功信矣好古曰貝母乃肺經氣分藥也仲景治寒實結胸外無熱證者三物小陷胸湯主之九散亦可以其內有貝母也成無已云辛散而苦泄積梗貝母之苦辛用以下氣機曰俗以半夏有毒用貝母代之夫貝母乃太陰肺經之藥半夏乃太陰脾經陽明胃經之藥何可以代若虛勞欬嗽吐血咯血肺痿肺癰婦人乳癰癰疽及諸鬱之證半夏乃禁忌皆貝母為向導

猶可代也至於脾胃濕熱涎化為痰久則生火痰

火上攻昏憤僵仆寒瀼諸證生死旦夕亦豈貝母

可代乎頌曰貝母治惡瘡唐人記其事云江左嘗

有商人左膊上有瘡如人面亦無他苦商人戲以

酒滴口中其面赤色以物食之亦能食多則脾內

肉脹起或不食則一臂痺焉有名醫教其歷試諸

藥金石草木之類悉無所苦至貝母其瘡乃聚眉

閉日商人喜因以小葦筒毀其口灌之數日成痂

遂愈然不知何疾也本經言

主金瘡此豈金瘡之類與

附方

新七一憂鬱不伸 胸膈不寬貝母去心薑汁炒研薑汁麴糊丸每服七十九

征士鎖甲煎湯

化痰降氣

奇効用貝母去心一兩

薑制厚朴半兩蜜丸梧子大

每白湯下五十九

筆峯方

小兒睥嗽

百日内效

母五錢甘草半生半炙二錢

為末沙糖丸

茨子大每米飲化下一丸

孕婦欬

嗽 貝母去心 麩炒黃為末 沙糖拌丸 妊娠尿難

飲食如故 用貝母三九至十丸 歸四兩為末 蜜丸 乳汁

不下 二母散 貝母知母 牡蠣粉等分 為細末 每猪

草 冷淚目昏 貝母一枚 胡椒七粒 為目生弩肉 後

用貝母真丹等分 為末 日點 摘玄 吐血不止 貝

炮研溫漿水服 衄血不止 貝母炮研末 漿水服 二

小兒驚口 滿口白爛 貝母去心 為末 半錢 水五分

聖惠 吹奶作痛 貝母末 吹鼻中大 乳癰初腫 貝母

服二錢 仍令人吮之 便癰腫痛 貝母白芷等分 為

服以滓貼之 紫白癩斑 貝母南星等分 為末 生薑

貝母乾薑等分 為末 如澡豆入密室中 浴擦得汗

為妙 談塾翁方 以生薑擦動 醋磨貝母塗之 〇

聖惠方 用貝母百部等 蜘蛛咬傷 縛定咬處 勿使

酒服半兩 至醉良久 酒化為水 自瘡口 蛇蠍咬傷

出水盡 仍塞瘡口 甚妙 仁齋直指方

山慈姑 朱嘉 釋名 金燈 拾遺 鬼燈檠 綱目 朱姑 綱目 鹿蹄草 綱目 無義草

時珍曰 根狀如水慈姑花 狀如燈籠 而朱色 故有

諸名 畷成式 酉陽雜俎云 金燈之花 與葉不相見

人惡種之 謂之無義草 又有試劍草 亦名鹿蹄草 與此同名 見後草之五

**集解**藏器曰山慈姑生山中濕地葉似車前根如

慈姑大明曰零陵間有一種團慈姑根如小

蒜所主畧同時珍曰山慈姑處處有之冬月生葉

如水仙花之葉而狹二月中枯一莖如箭籜高尺

許莖端開花白色亦有紅色黃色者上有黑點其

花乃象花簇成一朶如絲紐成可愛三月結子有

三稜四月初苗枯即掘取其根狀如慈姑及小蒜

遲則苗腐難尋矣根苗與老鴉蒜極相類但老鴉

根無毛慈姑有毛殼包

裹為異爾用之去毛殼

**根氣味甘微辛有小毒主治癰腫瘡癩癰結核**

**等醋磨傅之亦剝人面皮除奸黧**藏器

**王疔腫攻毒**

**破皮解諸毒蠱毒蛇蟲狂犬傷**時珍

**附方**新**粉滓面黥**山慈姑根夜塗

**牙齦腫痛**紅燈

龍枝

好酒一鍾濾汁溫服或乾之為

未每酒服三錢 乾坤生意

**癰疽疔腫**惡瘡及黃疸慈姑連根

同蒼耳草等分搗爛以

者一箇以茶清研如泥日中時以茶調下即臥日

中良久吐出雞子大物永不發如不吐以熱茶投

之 奇 萬病解毒丸 一名太乙紫金丹一名玉樞

効良方 丹解諸毒療諸瘡利關節治

百病起死回生不可盡述凡居家遠出行兵動眾

不可無此山慈姑去皮洗極淨焙二兩川五倍子

洗刮焙二兩千金子仁白者研紙壓去油一兩紅

芽大戟去蘆洗焙一兩半麝香三錢以端午七夕

重陽或天德月德黃道上吉日預先齋戒盛服精

心治藥為末陳設拜禱乃重羅令勻用糯米濃飲

和之木曰杵干下作一錢一錠病甚者連服取利

一二行用溫粥補之凡一切飲食藥毒蠱毒瘴氣

河豚土菌死牛馬等毒並用涼水磨服一錠或吐

或利即愈癰疽發背疔腫楊梅等一切惡瘡風癩

疔

赤遊痔瘡並用凉水或酒磨塗日數次立消陰陽  
二毒傷寒狂亂瘟疫喉痺喉風並用冷水入薄荷  
汁數匙化下心氣痛并諸氣用淡酒化下泄瀉痢  
下霍亂絞腸沙用薄荷湯下中風中氣口緊眼歪  
五癩五癘鬼邪鬼胎筋攣骨痛並暖酒下自溢弱  
水鬼迷心頭溫者冷水磨灌之傳尸癆瘵凉水化  
服取下惡物蟲積為妙久近瘧疾將發時東流水  
煎桃枝湯化服女人經閉紅花酒化服小兒驚風  
五疳五痢薄荷湯下頭風頭痛酒研貼兩太陽上  
諸腹鼓脹麥芽湯化下風蟲牙痛酒磨塗之亦吞  
少許打撲傷損松節煎酒下湯火傷毒蛇惡犬一  
切虫傷並冷水磨塗仍服之 王璆百一選方

癰便毒尤妙 時珍

附方 新 中溪毒生瘡 朱姑葉搗爛塗之生冬間  
葉如蒜葉 外臺秘要

花 主治 小便血淋瀝痛同地藥花陰乾每用三錢

水煎服 聖惠

石蒜 宋圖

釋名 烏蒜 綱目 老鴉蒜 救荒 蒜頭草 綱目 蔓蔓酸 綱目 一枝

箭 綱目 水麻 圖經 時珍曰 蒜以根

集解 頌曰 水麻生鼎州黔州其根名石蒜九月采

日 石蒜處處下濕地有之古謂之烏蒜俗謂之老

鴉蒜一枝箭是也春初生葉如蒜秧及山慈姑葉

背有劍脊四散布地七月苗枯乃于平地抽出一  
莖如箭籜長尺許莖端開花四五朶六出紅色如  
山丹花狀而瓣長黃蕊長鬚其根狀如蒜皮色紫  
赤肉白色此有小毒而救荒本草言其可煉熟水

浸過食益為救荒爾一種葉如大韭四五月抽莖  
開花如小萱花黃白色者謂之鐵色箭功與此同  
二物並抽莖開花後乃生  
葉葉花不相見與金燈同

**根氣味**辛甘温有小毒**主治**傳貼腫毒蘇頌疔瘡惡

核可水煎服取汗及擣傅之又中溪毒者酒煎半

升服取吐良詩

**附方**新便毒諸瘡一枝箭擣爛塗之即消若毒大  
甚者洗淨以生白酒煎服得微

汗即愈王產腸脫下老鴉蒜即酸頭草一把以  
水三盞煎一盞半去滓熏

洗神効危小兒驚風大叫一聲就死者各老鴉  
氏得効方驚以散麻纏住脇下及手

心足心以燈火爆之用老鴉蒜曬乾車前子等分  
為末水調貼手心仍以燈心焯手足心及肩膊眉

心鼻心即醒也  
五日新小兒方

水仙會

**釋名**金盞銀臺時珍曰此物宜卑濕處不可缺水  
故名水仙金盞銀臺花之狀也

**集解**機川水仙花葉似蒜其花香甚清九月初栽  
于肥壤則花茂盛瘦則無花五月初收根

以童尿浸一宿晒乾懸火煖處若不移宿根更旺  
時珍曰水仙叢生下濕處其根似蒜及薤而長外

有赤皮髮之冬月生葉似薤及蒜春初抽莖如葱  
頭莖頭開花數朶大如簪頭狀如酒盃五尖上承

黃心宛然盞樣其花瑩韻其香清幽一種千葉者  
花皺下輕黃而上淡白不作盃狀人重之指為真

水仙蓋不然乃一物二種爾亦有紅花者按段成  
式西陽雜俎云襟祇出拂林國根大如雞卵葉長

三四尺似蒜中心抽條莖端開花六出紅白色花  
心黃赤不結子冬生夏死取花壓油塗身去風氣

據此形狀與水仙彷彿  
豈外國名謂不同耶

根氣味苦微辛滑寒無毒

土宿真君曰取汁伏禾煮雄黃柜火

**主治**

癰腫及魚骨哽

時珍

花氣味

缺

**主治**作香澤塗身埋髮去風氣又療婦

人五心發熱同乾荷葉赤芍藥等分為末白湯每

服二錢熱自退也

時珍○出衛生易簡方

白茅

本經中品

**釋名**根名茹根

本經

蘭根

本經

地筋

別錄時珍曰茅葉如矛故謂之茅其

根牽連故謂之茹易曰拔茅連茹是也其數種夏花者為茅秋花者為菅二物功用相近而名謂不

同詩云白華菅兮白茅束兮是也別錄不分茅菅乃二種謂茅根一名地管一名地筋而有各未用

又出地筋一名菅根蓋二物之根狀皆如筋可通各地筋不可並名管也正之

**集解**

別錄曰茅根生楚地山谷田野六月采根弘景曰此即今白茅菅詩云露彼菅茅是也其

根如渣芹甜美頌曰處處有之春生芽布地如針俗謂之茅針亦可噉甚益小兒夏生白花茸茸然

至秋而枯其根至潔白六月采之又菅亦茅類也陸機草木疏云菅似茅而滑無毛根下五寸中

有白粉者柔韌宜為索驅之尤善其末漚者名野菅入藥與茅功等時珍曰茅有白茅菅茅黃茅香

茅芭茅數種葉皆相似白茅短小三四月開白花成穗結細實其根甚長白軟如筋而有節味甘俗

呼絲茅可以苦蓋及供祭祀苞苴之用本經所用茅根是也其根乾之夜視有光故腐則變為螢火

菅茅只生山上似白茅而長入秋抽莖開花成穗如荻花結實尖黑長分許粒衣刺人其根短硬如

細竹根無節而微甘亦可入藥功不及白茅爾雅所謂白華野菅是也黃茅似管茅而莖上開葉莖下有白粉根頭有黃毛根亦短而細硬無節秋深開花穗如管可為索絢古名黃菅別錄所用管根是也香茅一名菁茅一名菡茅生湖南及江淮間葉有三脊其氣香芬可以包藉及縮酒禹貢所謂荊州苞匭菁茅是也芭茅叢生葉大如蒲長六七尺有二種即芒也見後芒下

**茅根**氣味甘寒無毒主治勞傷虛羸補中益氣除

瘀血血閉寒熱利小便本經下五淋除客熱在腸胃

止渴堅筋婦人崩中久服利人別錄主婦人月經不

勻通血脉淋瀝大明止吐衄諸血傷寒噦逆肺熱喘

急水腫黃疸解酒毒時珍

**發明**弘景曰茅根服食斷穀甚良俗方稀用惟煎汁療淋及崩中爾時珍曰白茅根甘能除伏熱利小便故能止諸血噦逆喘急消渴治黃疸水腫乃良物也世人因微而忽之惟事苦寒之劑致傷冲和之氣烏足知此哉

**附方**舊二新 **山中辟穀**凡辟難無人之境取白茅根洗淨咀嚼或石上晒乾

搗末水服方寸七可温病冷啗因熱甚飲水成暴辟穀不饑肘後方

杷葉拭去毛炙香各半斤水四升煎二升温病熱去滓稍稍飲之龐安常傷寒卒病論

噦乃伏熱在胃令人胸滿則氣逆逆則噦或大下胃中虛冷亦致噦也茅根切葛根切各半斤水

三升煎一升半每温飲反胃上氣食入即吐茅根一觥噦止即停同上

升煮二升頓服得肺熱氣喘生茅根一握咬咀水下良聖濟總錄二盞煎一盞食後温

服甚者三服止名虛後水腫因飲水多小便不利

如神湯聖惠方豆三升水三升煮乾去茅食五種黃病黃疸穀疸

豆水隨小便下也肘後方勞疸也黃汗者乃大汗出入水所致身體微腫汗

出如黃蘗汁用生茅根一把細切以猪肉一斤合酒疸女疸

作羹食飲一升解中酒毒恐爛五臟茅根汁小便熱淋茅白

根四升水一斗五升煮取五升小便出血茅根煎

適冷暖飲之日三服肘後方勞傷溺血茅根乾薑等分入蜜一匙鼻

為佳談衄不止茅根為末米泔水吐血不止千金翼用白

莖翁方服二錢煎服之婦人良方用竹木入肉白茅根燒末

根洗搗汁日飲一合成腫者亦良脂和塗之風

成腫者亦良唐後方茅針即初生苗也○拾遺

氣味甘平無毒大明曰涼主治下水別錄治消渴能破血

甄權通小腸治鼻衄及暴下血水煮服之惡瘡癰腫

軟癰未潰者以酒煮服一針一孔二針二孔生按

傳金瘡止血藏器花氣味甘溫無毒主治煎飲止吐血衄血并塞鼻

又傳灸瘡不合罨刀箭金瘡止血并痛大明

屋上敗茅氣味苦平無毒主治卒吐血剉三升酒

浸煮一升服和醬汁研傅斑瘡及蠶嚙瘡藏器四角

茅王鼻洪大明

**發明** 時珍曰按陳文中小兒方治痘瘡潰爛難磨

此蓋取其性寒而解毒又受

**附方** 新 婦人陰痒 墻頭爛茅荆芥牙皂等分 大便

**閉塞** 服藥不通者滄鹽三錢 呈落爛草節七箇為

金散 卒中五尸 其狀腹痛脹急不得氣息上冲

聖濟方 牽引腰脊此乃身中尸 鬼接引為害取屋上四角

茅入銅器中以三尺帛覆腹着器布上燒茅令熱

**地筋** 別錄有

**釋名** 管根 別錄 土筋 同

**集解** 別錄曰地筋生漢中根有毛三月生四月實

小異也藏器曰地筋如地黃根葉並相似而細多

毛生平澤功用亦同地黃李邕方中用之時珍曰

此乃黃管毛之根也功與白茅根相同詳見

白茅下陳藏器所說別是一物非管根也

**芎** 拾遺 校正 併入拾遺石

**釋名** 杜榮 爾雅 芭芎 寰宇 芭芎 時珍曰芭爾雅作芭

為籬芭故也

**集解** 藏器曰爾雅惹杜榮郭璞注云草似茅皮可為繩索履屨也今東人多以為箔又曰石芒生高山如芒而節短江西呼為折草六月七月生穗如荻時珍曰芒有二種皆叢生葉皆如茅而大長四五尺甚快利傷人如鋒刃七月抽長莖開白花成穗如蘆葦花者芒也五月抽短莖開花如芒者石芒也並於花將放時剝其籜皮可為繩箔草履諸物其莖穗可為掃帚也

**莖氣味甘平無毒** **主治** 人畜為虎狼等傷恐毒入內取莖雜葛根濃煮汁服亦生取汁服 藏器 煮汁服

**散血** 時珍

**敗芒箔** **主治** 產婦血滿腹脹血渴惡露不盡月閉止好血下惡血去鬼氣疰痛癥結酒煮服之亦燒

末酒下彌久着煙者佳 藏器

**龍膽** 本經 中品

**釋名** 陵游 志曰葉如龍葵味苦如膽因以為名

**集解** 別錄曰龍膽生齊胸山谷及寬甸二月八月十一月十二月采根陰乾弘景曰今出近道

以吳興者為勝根狀似牛膝其味甚苦頌曰宿根黃白色下抽根十餘條類牛膝而短直上生苗高尺餘四月生葉如嫩蒜細莖如小竹枝七月開花如牽牛花作鈴鐸狀青碧色冬後結子苗便枯俗呼草龍膽又有山龍膽味苦澁其葉經霜雪不凋山人用治四肢疼痛與此同類而別種也宋無時

**根脩治** 教曰采得陰乾用時銅刀切去鬚上頭子剉細甘草湯浸一宿漉出暴乾用

**氣味苦澁大寒無毒** 教曰空腹餌之令人溺不禁之才曰貫衆小豆為之使惡

地黃防葵 **主治**骨間寒熱驚癩邪氣續絕傷定五臟殺

蠱毒經本 除胃中伏熱時氣溫熱熱泄下痢去腸中

小蟲益肝膽氣止驚惕久服益智不忘輕身耐老

別錄 治小兒壯熱骨熱驚癇入心時疾熱黃癰腫口

乾甄權 客忤疝氣熱狂明目止煩治瘡疥大去日中

黃及睛赤腫脹瘀肉高起痛不可忍元退肝經邪

熱除下焦濕熱之腫瀉膀胱火李療咽喉痛風熱

盜汗時珍 發明元素曰龍膽味苦性寒氣味俱厚沉而降陰

部風濕一也及濕熱二也臍下至足腫痛三也寒

濕脚氣四也下行之功與防已同酒浸則能上行

外行以柴胡為主龍膽為使治眼中疾必用之藥

好古曰益肝膽之氣而泄火時珍曰相火寄在肝

膽有瀉無補故龍膽之益肝膽之氣正以其能瀉

肝膽之邪熱也但大苦大寒過服恐傷胃中生發

之氣反助火邪亦久服黃連反從火化

之義別錄久服輕身之說恐不足信

**附方**舊四 傷寒發狂草龍膽為末入雞子清白蜜

新六 四肢疼痛山龍膽根細切用生薑自然汁浸一宿

去其性焙乾搗末水煎一錢七溫服之 此與龍膽同類別種經霜穀疸勞疸 穀疸因食而

傷寒後盜汗不止龍膽草研末每服一錢猪膽汁三兩點入温酒少許調服楊氏家藏方小

兒盜汗身熱龍膽草防風各等分爲末每服一錢米飲調下亦可九服及水煎服嬰童百

問咽喉熱痛龍膽搗水服暑行日澀生龍膽搗汁一合黃連浸

汁一匙和點之危氏得効方眼中漏膿龍膽草當歸等分爲末每服二錢温水下

飛蛔蟲攻心刺痛吐清水龍膽一兩去頭到水二盞煮一盞服宿勿食平旦頓服之

聖惠卒然尿血不止龍膽一虎口水五升煮取二方姚僧坦集驗方

細辛 本經上品

釋名小辛 本經少辛 頌曰華州真細辛根細而味極少辛皆此義也按山海經云浮戲之山多

少辛管子云五沃之土羣藥生少辛是矣

集解

別錄曰細辛生華陰山谷二月八月采根陰乾弘景曰今用東陽臨海者形段乃好而辛

烈不及華陰高麗者用之去其頭節當之曰細辛如葵赤黑一根一葉相連頌曰今處處有之皆不

及華陰者爲真其根細而極辛今人多以杜衡爲之杜衡根似飯帚密開細長四五寸微黃白色江

淮呼爲馬蹄香不可誤用宗奭曰細辛葉如葵赤黑色非此則杜衡也杜衡葉如馬蹄之下故俗名

馬蹄香蘆根似白前又似細辛按沈括夢溪筆談云細辛出華山極細而直柔勒深紫色味極辛嚼

之習習如椒而更甚於椒本草云細辛水漬令直是以杜衡爲爲之也東南所用細辛皆杜衡也杜

衡黃白色拳曲而脆乾則作團又謂之馬蹄襄漢間又有一種細辛極細而直色黃白乃是鬼督郵

亦非細辛也時珍曰博物志言杜衡亂細辛自古已然矣沈氏所說甚詳大抵能亂細辛者不止杜

衡皆當以根前色味細辨之葉似小葵柔莖細根直而色紫味極辛者細辛也葉似馬蹄莖微粗根

曲而黃白色味亦辛者杜衡也一莖直上莖端生葉如繖根似細辛微粗直而黃白色味辛微苦者鬼督郵也似鬼督郵而色黑者及巴也葉似小桑根似細辛微粗長而黃色味辛而有臊氣者徐長卿也葉似柳而根似細辛粗長黃白色而味苦者白微也似白微而白直味甘者白前也

根脩治

數曰凡使細辛切去頭子以瓜水浸宿暴乾用須揀去雙葉者服之害人

氣味辛溫無毒

普曰神農黃帝雷公桐君小溫岐才曰曾青棗根為之使得當歸芍藥白芷芎藭牡

丹藁本甘草共療婦人得決明鯉魚膽青羊肝共療目痛惡黃芪狼毒山茱萸忌生菜狸肉畏消石滑石反藜蘆

主治欬逆上氣頭

痛腦動百節拘攣風濕痺痛死肌久服明日利九

竅輕身長年

本經

溫中下氣破痰利水道開胸中滯

結除喉痺齟鼻不聞香臭風癩癩疾下乳結汗不

出血不行安五臟益肝膽通精氣

別錄

添膽氣治嗽

去皮風濕痒風眼淚下除齒痛血閉婦人血瀝腰

痛

甄權

含之去口臭

弘景

潤肝燥治督脉為病脊強而

厥

好古

治口舌生瘡大便燥結起日中倒睫

時珍

發明

宗奭曰治頭面風痛不可缺此元素曰細辛氣溫味大辛氣厚于味陽也升也入足厥陰

少陰血分為手少陰引經之藥香味以細故入少陰與獨活相類以獨活為使治少陰頭痛如神亦

止諸陽頭痛諸風通用之味辛而熱溫少陰之經散水氣以去內寒成無已曰水停心下不行則腎

氣燥宜辛以潤之細辛之辛以行水氣而潤燥杲曰膽氣不足細辛補之又治邪氣自裏之表故仲

景少陰證用麻黃附子細辛湯時珍曰氣之厚者能發熱陽中之陽也辛溫能散故諸風寒風濕頭痛痰飲胸中滯氣驚癇者宜用之口瘡喉痺蠶齒諸病用之者取其能散浮熱亦火鬱則發之之義也辛能泄肺故風寒欬嗽上氣者宜用之辛能補肝故膽氣不足驚癇眼口諸病宜用之辛能潤燥故通少陰及耳竅便瀆者宜用之○承曰細辛非華陰者不得為真若單用末不可過一錢多則氣悶塞不通者死雖死無傷近年謂平獄中嘗治此不可不記非本有毒但不識多寡耳

**附方** 舊二 **暗風卒倒** 不省人事細辛末吹入 **虛寒**

**嘔噦** 飲食不下細辛去葉半兩丁香二錢半為末每服一錢柿蒂湯下 **小兒客忤**

口不能言細辛桂心末等分 **小兒口瘡** 細辛末醋以少許內口中 外臺秘要

**家寶方** **口舌生瘡** 細辛黃連等分為末摻之漱涎甚効名兼金散一方用細辛黃

**藥** 三方 **口瘡** 腫痛細辛煮濃汁熱含 **鼻中息**

**肉** 細辛末時時吹 **諸般耳聾** 細辛末溶黃蠟丸鼠屎大綿裹一丸塞之

一二 **聰耳丸** 聖惠方 龔氏經驗方

**杜衡** 別錄 中品

**釋名** **杜葵** 綱目 **馬蹄香** 唐本 **土鹵** 爾雅 **土細辛** 綱目

葵形似馬蹄故俗名馬蹄香 頌曰 爾雅杜又名土鹵然杜若亦名杜衡或疑是杜若而郭璞注云似葵當是

杜衡也

**集解** 別錄曰 杜衡生山谷三月三日采根熟洗恭 有之方藥少用惟道家服之令人身衣香恭曰 生山之陰水澤下濕地葉似槐形如馬蹄根似細辛

杜衡生山谷三月三日采根熟洗恭

白前等今俗以及巴代之謬矣及巴獨莖莖端四葉葉間白花殊無芳氣有毒服之令人吐惟療瘡疥不可亂杜衡也頌曰今江淮間皆有之春初於宿根上生苗葉似馬蹄下狀高二三寸莖如麥蒿粗細每窠上有五七葉或入九葉別無枝蔓又於莖葉間罅內蘆頭上貼地生紫花其花似見不見暗結實如豆大窠內有碎子似天仙子苗葉俱青經霜即枯其根成空有似飯帚密間細長四五寸粗於細辛微黃白色味辛江淮俗呼為馬蹄香謹按山海經云大帝之山有草焉狀如葵其臭如薜蕪名曰杜衡可以走馬食之已瘦郭璞注云帶之可以走馬或曰馬得之而健走也宗奭曰杜衡用根似細辛但根色白葉如馬蹄之下市人往往以亂細辛將二物相對便見真偽况細辛惟出華州者良杜衡色黃拳局而脆乾則作團詳細辛下時珍曰按土宿本草云杜細辛葉圓如馬蹄紫背者良江南荆湖川陝閩廣俱有之取自然汁可伏硫砒制汞

根氣味辛溫無毒主治風寒欬逆作浴湯香人衣

體別 止氣奔喘促消痰飲破留血項間癭瘤之疾

甄權下氣殺蟲時珍

**發明** 時珍曰古方吐藥往往用杜衡者非杜衡也乃及巴也及巴似細辛而有毒吐人昔人多

以及巴當杜衡杜衡當細辛故爾錯謬也杜衡則無毒不吐人功雖不及細辛而亦能散風寒下氣

消痰行水 破血也

**附方** 新風寒頭痛 傷風傷寒頭痛發熱初覺者馬蹄香為末每服一錢熱酒調下

少頃飲熱茶一盃催之出汗即 **飲水停滯** 大熱行愈名香汗散 王英杏林摘要 極及食

熱餅後飲冷水過多不消停滯在胸不利呼吸喘息者杜衡三分瓜蒂二分人參一分為末湯服一

錢日二服取吐  
為度 肘後方  
痰氣 哮喘  
馬蹄香焙研每服二三

項吐 出痰涎為  
驗 普濟方  
噎食 膈氣  
馬蹄香四兩為末好酒

酒調 下日三服  
孫氏集効方  
吐血 瘀聚  
凡吐血後心中不悶者

者尚有 瘀血在胃宜  
吐之方 同飲水停滯  
喉閉 腫痛  
草藥金鎖匙即馬

水調 下即効  
救急方  
蹄草以根搗并華

附錄 木細辛  
藏器曰味苦温有毒主腹内結聚癥

輕服令人利下至困生終南山  
冬月不凋苗如大戟根似細辛

及巴 別錄  
下品

釋名 獐耳細辛  
時珍曰及巴各義未詳二月生苗  
先開白花後方生葉三片狀如獐

耳根如細辛故  
名獐耳細辛

集解 恭曰及巴生山谷陰虛軟地其草一莖莖頭  
四葉際着白花根似細辛而黑有毒令人以

當杜衡非也二  
月采根日乾

根氣味苦平有毒  
恭曰入口  
主治 諸惡瘡疥痂癩

蝕及牛馬諸瘡  
唐本  
頭瘡白禿 風瘙皮膚蟲痒可煎

汗浸并傳之  
大殺蟲  
時珍

發明 弘景曰今人以合瘡疥膏甚驗時珍曰今人  
不知及巴往往以當杜衡却以杜衡當細辛

故杜衡諸方多是及巴  
也辯見細辛杜衡二條

附方 新 頭瘡白禿  
獐耳細辛其味香辣為末以  
槿木煎油調搽 活幼全書

鬼督郵 唐本草

**釋名** 獨搖草

唐本時珍曰此草獨莖而葉攢其端無風自動故曰鬼獨搖草後人訛為

鬼督郵爾因其專主鬼病猶司鬼之督郵也古者傳舍有督郵之官王之徐長卿赤箭晉治鬼病故

並有鬼督郵之名名同而物異

**集解**

恭曰鬼督郵所在有之有必叢生苗惟一莖莖端生葉若嫩狀根如牛膝而細黑今人以

徐長卿代之非也保昇曰莖似細箭幹高二尺以下葉生莖端狀如傘花生葉心黃白色根橫生而

無鬚二月八月采根徐長卿赤箭並有鬼督郵之名而主治不同宜審用之時珍曰鬼督郵與及巴

司類根苗皆相似但以根如細辛而色黑者為及巴根如細辛而色黃白者為鬼督郵

**根脩治**

敷曰凡采得細剉用生汁草水煮一伏時日乾用

氣味辛苦平無毒

時珍曰有小毒

主治鬼疰卒忤中惡心

腹邪氣百精毒温瘧疫疾強腰脚益腎力

唐本

**發明**

時珍曰按東晉深師方治上氣欬嗽邪嗽鯨嗽冷嗽四滿丸用鬼督郵同蜈蚣芫花躑躅

諸毒藥為丸則其有毒可知矣非毒藥不能治鬼疰邪惡之病唐本云無毒益不然

徐長卿

木經上品

校正

今據吳氏本草併入石下長卿

**釋名** 鬼督郵

本經

別仙蹤

蘇頌時珍曰徐長卿人名也常以此藥治邪病人遂

以各之名醫別錄於有名未用復出石下長卿條云一名徐長卿陶弘景注云此是誤爾方家無用

亦不復識今攷二條功療相似按吳普本草云徐長卿一名石下長卿其為一物甚明但石間生者

為長前欠審故爾差舛景曰鬼督郵之名甚多今俗用徐長卿者其根正如細辛小短扁扁爾

氣亦相似今狗脊散用鬼督郵者取其強  
悍宜腰脚故知是徐長卿而非鬼箭赤箭

**集解** 又曰石下長卿生泰山山谷及隴西三月采

目所在川澤有之葉似柳兩葉相當有光澤根如  
細辛微粗長黃色而有臊氣今俗以代鬼督郵非

也鬼督郵自有本條保昇曰生下濕川澤之間苗  
似小桑兩葉相對三月苗青七月八月着子似蘿

摩子而小九月苗黃十月凋入月采根日乾頌曰  
今淄齊淮泗間皆有之三月四月采謂之別仙蹤

時珍曰鬼督郵及已之亂杜衡其功不同苗亦不  
同也徐長卿之亂鬼督郵其苗不同其功同也杜

衡之亂細辛則根苗功用皆彷彿乃彌近而大亂也不可不審

**根脩治** 教曰凡采得粗杵拌少蜜令遍

**氣味辛溫無毒** 別錄曰石下長卿鹹平有毒普曰  
徐長卿一名石下長卿神農雷公

辛時珍曰治鬼之藥  
多有毒當從別錄  
**主治** 鬼物百精蠱毒疫疾邪

**惡氣溫瘧久服強悍輕身** 益氣延年又曰石下

長卿主鬼疰精物邪惡氣殺百精蠱毒老魅注易

亡走啼哭悲傷恍惚 別錄

**發明** 時珍曰抱朴子言上古辟瘟疫有  
徐長卿散良効今人不知用此

**附方** 新 **小便關格** 徐長卿湯治氣壅關格不通小  
便淋結臍下妨悶徐長卿炙半

兩茅根三分木通冬葵子一兩滑石二兩檳榔一  
分瞿麥穗半兩每服五錢水煎入朴消一錢溫服

日二服 ○ **注車注船** 凡人登車船煩悶頭痛欲吐  
聖惠方 者宜用徐長卿石長生車前

子車下李根皮各等分搗碎以方囊繫  
半合于衣帶及頭上則免此患肘後方

白微 本經中品

釋名薇草 別錄 白幕 別錄 春草 本經 薺 音尾 骨美 時珍曰微

細而白也按爾雅薺春草也微薺音相近則白微又薺音之轉也別錄以薺為薺草之名誤矣

集解 別錄曰白微生平原川谷三月三日采根陰乾弘景曰近道處處有之頌曰今陝西諸郡

及舒涿潤遼州亦有之莖葉俱青頗類柳葉六七

月開紅花八月結實其根黃白色類牛膝而短小

今人八月采之

根脩治 數日凡采得以糯米泔汁浸一宿取出去

時珍曰後人惟以酒洗用

氣味苦鹹平無毒 別錄曰大寒之才曰惡黃芪大

黃大戟乾薑大棗乾漆山茱萸

主治暴中風身熱肢滿忽忽不知人狂惑邪氣寒

熱酸疼溫瘧洗洗發作有時 本經 療傷中淋露下水

氣利陰氣益精久服利人 別錄 治驚邪風狂瘞病百

邪鬼魅 弘景 風溫灼熱多眠及熱淋遺尿金瘡出血

發明 好古曰古方多用治婦人以本草有療傷中

淋露之故也時珍曰白微古人多用後世罕

能知之按張仲景治婦人產中虛煩嘔逆安中益

氣竹皮丸方中用白微同桂枝一分竹皮石膏三

分甘草七分棗肉為大丸每以飲化一丸服云有

熟者倍白微則白微性寒乃陽明經藥也徐之才

本草綱目卷之三 卷之三 五九

身猶灼熱自汗身重多眠鼻息必齟語言難出者  
萎蕤湯中亦用之孫真人千金方有詔書發汗白  
微散  
焉

**附方** 新肺實鼻塞

不知香臭白微貝母欬冬花一  
兩百部二兩為末每服一錢米  
不徇胎前產後白微芍藥各一  
兩為末酒服方寸七日三服

普濟方 婦人遺尿

千金 血淋熱淋 方同 婦人血厥  
如死人身不動

目閉口噤或微知人眩冒移時方寤此名血厥亦  
名鬱冒出汗過多血少陽氣獨上氣塞不行故身  
如死氣過血還陰陽復通故移時方寤婦人尤多  
此證宜服白微湯用白微當歸各一兩人參半兩

甘草一錢半每服五錢水二 金瘡血出 白微為末  
蓋煎一蓋溫服 本事方一 貼之 儒

門事 親

白前 別錄 中品

**釋名** 石藍 唐嗽藥

同上一時珍曰 弘景曰白前出近道根似細辛而大色白不  
柔易折氣嗽方多用之恭曰苗高尺許其葉

似柳或似芫花根長于細辛白色生州渚沙磧之  
上不生近道俗名石藍又名嗽藥今用蔓生者味

苦非真也志曰根似白微牛膝葷二月八月采陰  
乾用嘉謨曰似牛膝粗長莖直易斷者白前也似

牛膝短小柔軟能彎者白微也近道  
俱有形似色類同以此別之不致差誤

**根脩治** 數日凡用以生甘草水浸一伏  
時漉出去頭鬚了焙乾收用

**氣味甘微溫無毒** 權曰辛恭  
主治胸脇逆氣欬嗽

上氣呼吸欲絕 別錄 王一切氣肺氣煩悶賁豚腎氣

大降氣下痰

時珍

發明

宗奭曰白前能保定肺氣治嗽多用以溫藥相佐使尤佳時珍曰白前色白而味微辛甘

手太陰藥也長於降氣肺氣壅實而有痰者宜之若虛而長哽氣者不可用也張仲景治嗽而脉浮澤漆湯中亦用之其方見金匱要畧藥多不錄

附方

舊二 久嗽唾血 白前桔梗桑白皮三兩炒甘草一兩炙水六升煮一升分

三服忌猪肉 久欬上氣

體腫短氣脹滿晝夜倚壁不得臥常作水雞聲者白

前湯主之白前二兩紫苑半夏各三兩人戟七合以水一斗漬一宿煮取三升分作數服禁食羊肉

錫饅大佳 久患嘔呷 欬嗽喉中作聲不得眠取白

師方 深

草犀

拾遺

釋名

時珍曰其解毒之功如犀角故曰草犀

集解

藏器曰草犀生衢婺洪饒閩首高二三尺獨莖根如細辛生水中者名水犀珣引廣州記

云生嶺南及海中獨莖對葉而生如燈臺草根若細辛

根氣味辛平無毒主治解一切毒氣虎狼蟲虺所

傷溪毒野蠱惡刺等毒並宜燒研服之臨死者亦

得活 天行瘧瘴寒熱欬嗽痰壅飛尸喉痺瘡腫

小兒寒熱丹毒中惡注忤痢血等病煮汁服之嶺

南及睦婺間中毒者以此及千金藤並解之

藏器

釵子股 海藥

校正 併入拾遺

釋名金釵股 時珍曰石斛名金釵花此草狀似之故名

集解 藏器曰金釵股生嶺南及南海山谷根如細莖功力相似緣嶺南多毒家家貯之時珍曰按嶺表錄云廣中多蠱毒彼人以草藥金釵股治之十救入七其狀如石斛也又忍冬藤解毒亦號金釵股與此同名云

根氣味苦平無毒主治解毒癰疽神驗以水煎服

李珣 解諸藥毒煮汁服亦生研更烈必大吐下如無

毒亦吐去熱痰瘧瘴天行蠱毒喉痺 藏器

吉利草 綱目

集解 時珍曰按粘含南方草木狀云此草生交廣莖如金釵股形類石斛根類芍藥吳黃武中

江夏李侯徙合浦遇毒其奴古月偶得此草與服遂解而吉利即遁去侯以此濟人不知其數也又

高涼郡產良耀草葉如麻黃花白似牛李秋結子如小栗煨食解毒功亞于吉利草始因梁耀得之

因以為名轉梁為良耳

根氣味苦平無毒主治解蠱毒極驗 時珍

百兩金 宋圖經

集解 頌曰百兩金生戎州雲安軍前高二三尺有幹如木葉似荔枝初生背面俱青結花實後

背紫面青凌冬不凋初秋開花青碧色結實大如豆生青熟赤采根入藥槌去心河中府出者根如

蔓菁赤色莖細青色四月開碎黃花似星宿花五月采根長及一寸晒乾用

根氣味苦平無毒主治壅熱咽喉腫痛合一寸嚙

津又治風涎蘇頌

硃砂根綱目

**集解**時珍曰硃砂根生深山中今惟太和山人采之苗高尺許葉似冬青葉背甚赤夏月長茂

根大如筋赤色此與百兩金彷彿

根氣味苦涼無毒主治咽喉腫痺磨水或醋燕之

甚良時珍

辟虺雷唐本草

**釋名**辟蛇雷綱目時珍曰此物辟蛇虺有威故以雷名之

**集解**恭曰辟虺雷狀如粗塊蒼木節中有眼時珍曰今川中峩眉鶴鳴諸山皆有之根狀如蒼木大者若拳彼人以充方物苗狀當俟訪問

根氣味苦大寒無毒主治解百毒消痰祛大熱頭

痛辟瘟疫唐本治咽喉痛痺解蛇虺毒時珍

錦地羅綱目

**集解**時珍曰錦地羅出廣西慶遠山巖間鎮安屬順柳州皆有之根似草薺及栝樓根狀彼人頗重之以充方物

根氣味微苦平無毒主治山嵐瘴毒瘡毒并中諸

毒以根研生酒服一錢七卽解時珍

毒以根研生酒服一錢七卽解時珍

毒以根研生酒服一錢七卽解時珍

紫金牛

宋圖經

**集解**

頌曰生福州葉如茶葉上綠下紫結實圓紅色如丹朱根微紫色八月采根去心暴乾頌

似巴戟

**氣味**辛平無毒**主治**時疾膈氣去風痰

蘇頌解毒破

**血**

時珍

拳參

宋圖經

**集解**

頌曰生淄州田野葉如羊蹄根似海鰓黑色土人五月采之

**氣味**

缺**主治**為末淋瀝腫氣

蘇頌

鐵線草

宋圖經

**集解**

頌曰生饒州三月采根陰乾時珍曰今俗呼篇蓄為鐵線草蓋同名耳

**氣味**微苦平無毒**主治**療風消腫毒有效

蘇頌

**附方**

新男女諸風產後風尤妙鐵線草根五錢五加皮一兩防風二錢為末以烏

骨雞一斤重者水內淹死去毛腸砍作肉生入藥雞勻下麻油些少炒黃色隨人量入酒煮熟先以排風藤煎濃湯沐浴頭身乃飲酒食雞發出粘汗即愈如不沐浴必發出風丹乃愈滑伯仁櫻寧

要

金絲草

綱目

**集解**

時珍曰金絲草出慶陽山谷苗狀當俟訪問

**氣味**苦寒無毒**主治**吐血欬血衄血下血血崩瘴

氣解諸藥毒療癰疽丁腫惡瘡涼血散熱時珍

附方新婦人血崩金絲草海柏枝砂仁花椒蠶退

服陳光述傳談楚翁方癰疽丁腫一切惡瘡金絲草忍冬藤

溫洗黑色者加醋又鐵箍散用金絲草灰二兩

醋拌晒乾貝母五兩去心白芷二兩為末以涼水

調點瘡上香油亦天蛇頭毒落蘇即金絲草金銀

可或加龍骨少許麥等分切碎用絕好醋濃

煎先熏後洗救急方

本草綱目草部第十三卷終

